

晚晴籀詩匯

第二七册

卷之五

五

五

五

五

五

五

五

五

五

五

晚晴籀詩匯卷六十八目錄

英廉 四首

馬樸臣 十九首

方桂 一首

戴永植 三首

費藻 一首

劉埭 一首

迮雲龍 四首

孫諤 一首

田志勤 一首

董邦達 一首

羅源漢 三首

介福 二首

張映辰 二首

雙慶 四首

張若靄 三首

雷鉉 四首

傅為訖 三首

張映斗 一首

汪師韓 七首

楊二酉 一首

彭肇洙 一首

何琇 一首

晚晴籀詩匯卷六十八目錄

桑調元 十六首

鄂容安 十首

陳大受 一首

朱續暉 一首

張九鈞 二首

彭端淑 二首

邵大業 二首

項樟 三首

牛運震 二首

鄭方城 一首

李天秀 二首

周宣猷 二首

韓海 三首

尹嘉銓 五首

鄭模 一首

徐世佐 七首

董榕 一首

邊連寶 十首

費應泰 一首

趙沅 一首

黃輅 三首

何絃 二首

晚晴移詩匯卷六十八

徐世昌

英廉姓馮氏字計六號夢堂漢軍旗人雍正壬子舉人

官至文淵閣大學士太子太保諡文肅有夢堂詩彙

詩話文肅起江南下吏不十年居政地王蘭泉謂其初通籍時雅嗜云細尤敦車笠詩壇酒社翰墨飛騰既而職掌六曹殫心時務或舉舊橐為言輒遜謹謝之蓋不欲以文人自命殆有微辭匏廬論詩絕句云味和家世席韋平白燕沈吟懼獨清

擬謝公

少嗜壯彌篤神洽跡益放偃蹇邱壑間疇能乖所尙凌晨
詣絕境初陽麗遙嶂微蹤溯險夷層嶠歷幽曠棧危後已
負林折前若障飛梁絲絕蹊崩石炫譎狀榮巔頽霞鮮奔
澗素泉壯俯覷猿引臂側聆禽展吭凝神周廣漠窮睇隘

溟漲域靈恣探索趣異困紛餉遺物悟有獲賞心希不讓
迴念征途人達生昧獨往

游雞鳴山寺

響踏層巖落葉黃何年帝館化僧廊霸圖佛力同銷歇古
木寒雲白莽蒼長堞緣山闕塔影亂颿歸浦靜江光殘磚
識取南朝物重疊苔花覆斷牆

華山鳥道歌

羣龍拔地奮欲起掉臂搏雲怒未已細看鳥道夾蒼髯矯
首天門悵燒尾腳底一聲何處雷蹒跚刺眼驚青能飛空
冰雪欲相濺奪路虎羆胡爲來解我紫茸裘佐以青藤杖
奇石異松有如此人生甯惜屐幾緉危梯亦不危興到無
艱勞絕壁亦不絕高立窮纖毫海氣蒼茫海天迴何論震

澤之水三萬六千頃，颿檣臺榭闔城尺幅高堂揭煙景。
昨日孤舟繫何處，煙際浮圖細如箸。始知我亦擾攘塵海
中，曾被山僧歎迷誤。噫嘻安得盡將春雨化春醅，仰探北
斗爲深杯。百年盤礴青羸堆，一樹松前醉一回。鼠肝蟲臂
奚爲哉。

入貢行

君不見混同江水流向東，東歸滄海連鴻濛。中有人煙雜
蜃氣，分羅部族鄰鮫宮。荷軫遙連庫野遠，樺皮爲廬舟是
產衣。食家家總問魚農，畋事事惟須犬小船。貼水大船高
大者百丈，小者篙海岸山溪三千里。年年入貢來皇朝，津
頭一到聞方語。接伴常年走商賈，髭髯覆面駭山狙。貨貝
隨身矜栗鼠，貢畢還看互市兼。篋笥在手肩瓶甌，不評泉

布惟評物先易醇醪後易鹽噫嘻聖德柔遠遠人至譬如
肅慎之矢越裳雉貢微賚重嘉其意一物均邀大造慈荒
裔端賴天王賜朝來錫燕在官衙飽飫廚珍醉貌斜蹠跚
出門觀者譁觀者且勿譁請看忠孝之性無邇遐總把君
羹攜到家

馬樸臣字春遲號相如桐城人雍正壬子舉人官內閣

中書乾隆丙辰舉博學鴻詞有報循堂詩鈔

詩話相如少貧力學為詩歌游吳越間與諸名流相
唱和主盟騷壇十餘年同里詩人方貞觀南堂尤相
友善一時有瑜亮之一目鄭荔鄉詩鈔小傳謂康熙之
季館閣仍尚唐製一二軼才之士復跌宕自恣於眉
山劍南之間南堂矯以清真有若彈丸脫手相如接
踵而興南堂寄懷有云自入秋來常中酒一從君去
斷吟詩可想見林谷之
同聲沉瀟之一氣矣
若耶

春水膩如粉芳名愛若耶鴛鴦文字烏荳蔻女兒花有客
閒停櫂無人復浣紗村中姓施否借問爾西家

七夕

何關人事說年年潑眼銀河分外妍閒殺半灣無主月幻
成一片有情天別離最苦仙難免飄泊經秋客可憐夜半
那堪鄰舍女喁喁乞巧不知眠

老樹

嬾向東風更乞妍離披生意轉悠然古牆卧蘚畫三面禿
幹著花春半邊垂老子山休作賦出關宣武合知憐漫言
臃腫無姿態桃李何曾到百年

東江研瀾

人世交游蠅逐羶同牀各夢紛糾纏霜羣雪侶非凡緣我

曹意氣天所聯江君逸態何蹁躑才鋒舌劍驚華筵對我
頰首常不言情靈默契游先天昔旅于越交雪蓮三生公
案重拈詮空山贈答留詩篇爲君提唱君纏綿恨不同泛
山陰船明朝筆舞書長箋爲言曰午枕書眠忽然身到飛
來巔三生石上某在焉兩人大笑手拍肩恍忽記取前生
前東山微雨西杜鵑落花如雪春風顛吁嗟此境非人間
夢耶覺耶情乎禪莊惠觀魚濠水邊伯牙入海隨成連眼
中萬象成雲煙嗟我與子豈不然會將水牯騎花田竝吹
鐵笛空中仙

紅綾橋卽事

紅綾橋畔夕陽斜風漾青帘得酒家晚立市門寒意動山
村人賣木綿花

客中書懷

事事愁中與願違
客懷永日獨依依
驚回鄉夢如新別
細讀家書抵暫歸
數朶遠山當卧几
一梳初月照吟衣
不應漸減壺觴興
秋在人心酒力微

秦淮水閣醉題

一杯清酌獨婆娑
笑倚朱闌對碧波
月影迷離三李白
水光蕩漾百東坡
愁來天外雁飛遠
秋到人間客占多
我自胸中有憂樂
阿誰吹笛夜深歌

古意

老女久不嫁
妍媸在媒口
自道洛陽花
人笑白門柳

題程花隱先生雲海圖

先生逸蕩負奇氣
鶴眼雲心渺塵世
壯年才盛比春濤
激

昂天下無難事黃金隨手贈交游矢口不談田舍計囊鋒
不用歸海濱一樹花開一回醉我與嗣君莫逆交秋宵治
酒論文字酒酣清興豁雙眉笑述平生游得意曾攜襪被
上黃山冷宿峰顛最高寺東方欲白殘月明山僧喚起驚
幽睡爲言雲海正當時急起披衣開戶視瀾漫一氣凸凹
平六六蓮花浮碧蒂非煙非霧疑輒漶溶溶盎盎滿空際
始也蕩漾若鱗動旣且滄溼如鼎沸瀾翻百顆琉璃毬浪
捲千疊冰絲被少焉日出影滄浪漸升已作胭脂麗銀濤
閃爍眼迷離窳隆忽起峰巒勢黃映成金山勝玉玉壘金
山光眩眚山中海復海中山雲師狡獪恣遊戲曉風吹作
千髻鬢諸峰依舊遞蒼翠長嘯青天揖白雲下山彷彿如
夢寐急呼好手繪爲圖撫圖觸象猶能記我聞語罷屢驚

歎先生夙世神仙類從來絕景不易逢東坡海市禱而致
足躡天根瞰雲府呵驅風雨神靈契三山有無弱水迷五
嶽嵯峨芒屨費琴聲杖影畫圖間日溯心洄日一至黃山
無日無游人不遇奇人奇不出請題一語復先生本來雲
海在胸次

送峭峒僧

鳥飛不到處乾坤賸此山萬里架裳影蕭然古洞間虎來
依法住雲出羨僧閒亦復何須食鄉人送米還

醉後放言

我本無生忽生我一生我後累無端思量墮地一聲哭領
取爲人萬種難鳳翼龍鱗天路滑鼠肝蟲臂夢痕酸昏蒙
終古誰先覺只有莊周蝶境寬

靜裏咀含味更餘我懷頗與世情疏傷生事眾偏誣酒致
困途多莫怨書愁壘有杯猶可卻飢腸無字欲何如雖然
此語何人信只合誼諧海大魚

長安送姚三崧南歸省覲

燕市尋君得所依衝寒定欲返萊衣鷓鴣向北驚砂起鴻
雁圖南撲雪飛一飯不忘惟母老萬金無價比兒歸承歡
餘暇過貧巷我有高堂正倚扉

偕左白石翁朗夫吳靜山徐粼哉張篁邨游西山

顛顛碧雲寺高臺半已傾有形皆佛累不壞是泉聲舊表
何人冢豐碑上相名憑闌發三歎僧茗照顏清

題盧雅雨出塞圖

中原山水數點耳天誘詩人萬里行塞雪磧雲供浣筆莫

將風韻帶笳聲

題左崧甫游華山詩集

我夢登華山瓊樓出霞表山斷雲橋之受足若綿縞仙人
顧我笑餌以如瓜棗我卞不肯需翻然下蓬島左師酷好
奇破險事幽討寸步覷神工隻字刮天巧一卷華山詩發
我夢中稟恐是采藥朋何年別瑤草煙海遠迷濛願化雙
青鳥

味閒歌送江味閒之井陘

世人勞勞苦不足勸以少閒匪所欲及知閒味轉難閒馬
蹏蹋熱千重山兩身如萍信風掃今年忽聚長安道少年
豪氣何往哉鬚眉已改驚老來君車復向井陘去借問游
蹤幾時住幾時鄉路並驢還白雲茅屋味真閒

送江汝川入秦次張晴嵐韻

少年噓氣結丹霞舌在驚看鬢已華
笑我仍騎燕市蹇送君重上霸陵車
心憐老友長爲客夢繞衰親約到家
分手淚痕寒似雪不須天外更飛花

宗弟思山歿京邸孀婦遠在秦中盧雅雨塞外遙哭
以詩不遠寄予因和其韻

山陽往會不堪思想見窮邊
墮淚時詩哭九原無寄處書
來萬里弔相知才名折算天
猶忌生死論交老更悲未掩
幽光吾輩在遺文重訂待鍾期

方桂字友蘭巴陵人雍正壬子舉人歷官浙江甯紹台

道

題畫

一帶疏林繞碧溪
小橋流水路東西
輕舟盪入煙深處
隔岸茅廬望欲低

戴永植字于庭號農南歸安人雍正壬子舉人乾隆丙辰舉博學鴻詞官龍陽知縣改餘姚教諭有汀風閣

詩

詩話農南詩學中唐心靈抒發具見別裁集中有句云笞箬冷掛水清淺一疋鷺鷥漁夕陽張鏡壑亟稱之以爲絕唱

德未暮齋卽景

沈沈深院最關情
曲畧闌干春晝晴
無事偶來成獨坐
落花風度煮茶聲

登杭州鎮海樓

登臨一何壯
樓與眾山浮
望到海門口
渾疑天盡頭
魚龍

交隱現蘆荻共騷颼對此茫茫者何人砥濁流

舉主膠州公席間看劍

干莫精靈燄欲歎芟袍公子劍花渾夜闌星斗無生氣醉
後英雄有淚痕空說延津龍變化會看澤潞鳳騰騫馮驩
多事彈長鋏燒券甯酬國士恩

費藻字方潔新繁人雍正壬子舉人

詩話此度諸孫冕言桀軒執御及方潔皆能
詩方潔短篇古意新聲猶有鐵崖樂府遺意

吳聲曲

亳州輕紗若煙霧隔窗朧朧月微吐門前楊柳烏亂嘯貪
聽吳歌不知曙

劉臻字淡明號廉園諸城人雍正壬子舉人有清歡堂

詩集

晚登雲門山

天際仰流雲崩騰如壞山郁郁紛紛繞襟袖方知身在層
霄間扶桑一任天雞叫石洞希夷眠清峭我乘奇氣御天
風如蒸如沸號萬竅天矯不測羣拏空昂頭露角盤蒼龍
足傍崑崙逸深谷森然鼓盪摧長松忽然神光紛來下眼
明金縷開西東欲行不行儼相屬欲斷不斷聯高蹤須臾
變化浩無際驚濤漲海當吾胸回望平野淨塵土參差城
郭晞微紅欲尋秦碑並漢碣蒼涼盡被青苔封歛吸朝陽
我獨領瑰祕更向山靈請以手開籠取置歸放之學堂掣
煙景交飛亂湧俄歸山拂檻縈窗無留影卽應潑墨數斗
揮淋漓高懸生綃十丈滿題詩

迓雲龍字耕石吳江人雍正王子副貢乾隆丙辰舉博

學鴻詞有汗漫吟

詩話耕石初易姓名曰解揚思入河間府學既乃改歸本貫嘗從佟瑞園相國慶復佐幕滇蜀以金川平敘勞得官辭不就還隱分湖詩無刻本遺藁僅存

芝麻湖守風

長江西南來混混滄溟會天風揭狂瀾簸揚萬旌旆飛來
片片帆乘流歡擊汰顧茲上水船溯風劇狼狽進尺退以
咫篙師發長慨好語慰長年否運還來泰試看快意時往
往遭顛沛莫使滿帆風斯言當微會蕭蕭枯蘆洲小泊吾
何害

北極閣登高

危樓壓萬雉遠日帶孤鴻亂菊開何處殘杯此日同海雲
連莽蒼山月落崆峒少小四方志回頭百感叢

清明奉酬佟瑞園上公戲簡原韻

佳辰歲歲客中過每藉詩篇戰病魔紅杏雨餘春色減青
衫老去淚痕多北邙亂冢空澆酒西塞斜風好荷蓑壯志
蕭條愁得句沿流敢擬溯星河

答金檜門學士和見贈詩韻

萬里歸心滯鳳城填胸五岳減崢嶸參軍到處作蠻語騷
客任人呼老兵落落鵠行方得路依依鷗侶不寒盟十年
存沒偏多感翦燭西窗淚共傾

謂張雪子
編修映斗

孫諤字一士號在原嶧縣人雍正王子優貢有在原詩

草

秋日病蠅

秋蠅病不起隱隱覆牆端熱處聲相亂寒時飛卻難無須

晚晴雜詩匯卷六十八
九
揮扇逐已惜抱形殘當日趨炎態可教冷眼看

田志勤字崇廣號平圃大興人雍正癸丑一甲二名進士授編修歷官侍講有業精堂詩草

和何元晉草堂漫興

子美詩名擅草堂欲判肥瘦比癡狂清言豈異古今轍雅意偏分上下牀濁酒黃花耽夕月明窗棊几趁秋陽門前漸乏俗人屢捕雀張羅正不妨

董邦達字孚存號東山又號非聞富陽人雍正癸丑進

士改庶吉士授編修官至禮部尚書諡文恪

詩話文恪事母孝年五十為孺子慕晚入詞林供奉內廷工山水出入宋元諸家能盡其勝

題白雲泉圖

白雲一掬陽山隅涓涓滴下青泥珠大瓢挹彼來注此活

火可試風前爐泉下架屋山人居林木窈窕羅蕭疎泉甘
味冽漱齒頰能令燥吻生津腴真如灌頂飫醍醐又似九
醞仙家酷人間點滴不到口而此日飲無時無顧我年來
病未蘇那得到此嘗須臾一杯欲乞治相如消渴已捐煩
疴除山中煮泉良非迂惜哉身不游姑胥東吳佳處夢與
俱展卷爲寫雲泉圖雲泉之泉誰有諸有客自是山澤臞
濯腸洗胃神清虛得非飲者其仙歟

羅源漢字方城一字南川長沙人雍正癸丑進士改庶
吉士授編修官至工部尙書有南川詩集

宿湘山寺

古寺一聲磬煙開見清泚生平湘上吟今到湘山裏湘水
入海流湘源濬自此灘水走東南兩界注飛矢不踏五嶺

雲空駭七澤水頗聞祭川者河源先海委茲行探其本乾
坤一掌指湘山連衡山千里猶尺咫

宿石鼓書院

衡州之山多奇特雁峯峙南石鼓北周宣攻車不到此佳
名今古同烜赫長松翳閣神所棲斷碣欹牆人不識側聞
李寬建自唐風雨年年秋草碧憑臨十里萬家煙遠樹撐
天鳥飛沒其下綠淨者湘江左會蒸流環一玦我因行役
過此邦荆榛滿眼塵滿臆躋階便問合江亭弔古心愴訪
遺跡韓張兩人久不作高文大章垂金石剔蘚循誦半模
糊發篋朗吟三太息小憩危亭日影斜登樓一眺乾坤窄
文名山斗今幾人吾道南來溯正脈黃昏鐘鼓催客卧秋
山月出寒江白

觀音崖

南海何人在懸崖自古今一龕藏世界半嶺有晴陰我欲探龍窟捫蘿力不任泉聲送鐘響洞口白雲深

介福字受茲號景菴滿洲旗人雍正癸丑進士改庶吉士授檢討官至吏部侍郎有退思齋詩野園詩集留都集關中紀行草采江小草

鎮淮樓

百尺高樓迴煙雲面面開蜀山還北向淮水自南來荒草寒箏浦斜陽下弩臺不須悲故國重弔楚江隈

泗城登山遠眺有懷作

宦海行蹤動客愁怱怱又作勝湖游楚山南去連吳遠淮水東來挾泗流人代滄桑雙語燕漁樵風雨一歸舟登臨

明詩歸 卷六十八
十一
不禁淒涼感滿眼斜陽上畫樓

張映辰字星指號藻川錢塘人雍正癸丑進士改庶吉
士授編修累官兵部侍郎降左副都御史有露香書
屋集

駐馬亭

駐馬亭邊試解鞍遂城南畔暫盤桓
千林如洗遠山靜一鳥不飛秋水寒
斜日平原看短影西風黃葉上長安
青帘搖漾村酤近底事吟餘醉未殘

雨中過赤水鎮

長橋一帶宛垂虹赤水中分兩界通
雲似釜蒸堆大白花當秋放戰危
紅人迷古渡摧頽雨馬踏平岡蹀躞
風不識香山有遺迹綠楊只在岸西東

雙慶字咸中號有亭又號西峯滿洲旗人雍正癸丑進士改庶吉士授編修官至禮部侍郎有親雅齋詩草姑孰使院洗心亭

鑿池不必深盈盈半畝綠小亭置其間臨風幽意足四圍花檻虛一徑石橋曲新蘋輕欲颺芳蒲淨如浴忘機竹樹邊偶然下鷓鴣

晚游煙霞窟

客子行吟處空山正夕暉破煙幽磬出隔樹老僧歸石亂泉還細林深鳥不飛層巒供嘯傲誰道素心違

豪寨

紆迴石徑好衣袂絕風塵夜雨邀高詠名山抵故人忘機林鳥靜著意礪花新小坐流泉上依依茗盃親

春暮偕二兄游東園

昔年此地款荆扉風景東園是也非芳草有情縈客屐落花無力點春衣林間聽鳥邀佳句石上銜杯趁夕暉莫負殷勤雞黍約攀留三月不須歸

張若靄字晴嵐桐城人雍正癸丑進士由編修歷官內

閣學士兼禮部侍郎銜襲封勤宣伯有晴嵐詩存

詩話晴嵐為文和公長子弱冠登第原列一甲三名文和力辭移置二甲第一仍特授編修入直南齋兼工繪事詩多應制題畫之作承平簪紱吐屬清華不煩繩削自然俊朗

祕魔厓下作

指上蜃樓幻非幻能令四海朝龍王自從飯衣入盃盂水晶宮殿空荒涼大青小青龍之子謫伏崖下千年藏青蒲赤鯉能變化滄口一雨神通張膜拜至人求法力蠺蜒欲

脫腥皮囊至人慈悲心等夷磨頂初入選佛場如獅如象
俱馴伏洪濤不降田廬殃我來欲訪尸陀林盧師坐處荆
榛荒惟有此石瞰空洞巨鼇撐拄疑媧皇苔紋未蝕色常
汗雪花晴積寒無光摩挲神睛三歎息潭波鑑我塵容黃
何時踟躕此崖傍會看爲霖徧十方猙獠頭角歸雲堂

奉勅恭題青宮時所畫菊花水仙卷子

琉璃硯匣塵不生墨君管子相逢迎紛披紅紫何足貌此
中寄託殊遙情冰霜肌膚梅檀心大羅仙子來玉京金尊
牙版豈復垢皎然萬劫瑤杯擎西風吹草草不綠重臺猶
占東籬名坐枝雙鳥鳴嚶嚶淵明乍參師語清同生淨土
良足貴西湖配食堪餐英毫端造化信點染春風秋露來
無聲以此栽培徧萬物都看弱植喬林成青宮閒暇窮物

態徐黃邊趙難抗衡萬幾偶一展蜀素那能如昔多經營
臣得拜觀重命識墨林藝圃沾恩榮

題雪江歸釣圖送卯君還里

先生如雪不可污對之凜凜寒生膚長安熱地君不熱曰
歸弄釣樅陽湖湖上寶珠光一合萬鳥不動山模糊東郭
履敝袁未起行者卧者何爲乎獨居舴艋聊爾爾百年張
陸眞吾徒野人之舟大如瓠圖書玩服妻孥俱心中無魚
竿在手得與不得隨嬉娛我無朝川詩畫妙爲君難寫仙
游圖歸釣圖余爲卯君所作摩挲絹素費點染筆墨未赴神先孤昌
黎東野屬蛩駟年來同憶秋風鱸鹽車困馬願伏櫪鞭策
那肯寬須臾看君翩翩破霄出遠離塵埃超凡區天空路
闊豈自覺企而羨者波中鳧世途何處可執著各以所遇

成安居其間不能自爲計或茶或蔗同人殊先生歸與歲
云徂釣罷會憶勞人無更當冒雪國門去朔風壓帽冰黏

鬚

雷鉉字貫一號翠庭甯化人雍正癸丑進士改庶吉士

歷官左副都御史有翠庭詩草

詩話翠庭師蔡文勤治程朱之學深思詳辨一一見
諸躬行正色立朝侃侃以古大臣自期待風度凝然

詩文質相宣不
落講學家科臼

懷五布衣井及石東村

五布衣薦青山人李鐵君名
錯陳石閭名景元朱抱光名

嫩陳嘉謨名廷策皆北人陳俯躬名梓浙之嘉
興人東村名永甯今少司馬觀補亭之父也

我獲布衣交邂逅五君子久知薦青山幽芳殊凡藹願言

采其英潛見不殊旨因之訪石閭矮屋擁書史落落談古

今貧哉病以死更有抱光君被褐遠金紫一室抱微尙古

琴自悅耳三子臭如蘭何幸不我鄙且得兩陳君考槃各
永矢一在北之屢一在南之涘北學宗洛閩屢空道可企
南學共源流貧亦正同軌老矣均無見弟子供滄瀨我造
北陳廬牀竈雜杖几南陳會駕湖答拜人扶起合之以石
閩三陳堪並峙三君未盍簪我乃得躡履抱光云近朱廡
青曰御李廡青與南陳神交頻託鯉試問與北陳握手當
何似爰有石東村廡青忘彼己石閩與抱光東村輒倒屣
東村以子貴不獲布衣比我懷五布衣并作東村誄亡者
杳莫追存者勞予跋潔身各有歸相期唯一是以此誌知
心石交亦足喜天下豈無人渺然思彼美

游百丈巖

桃源洞口問津來石磴盤旋異境開峯入半天摩日月泉

飛絕壑轉風雷欲招白鶴空中下乍瞰紅雲嶺上堆傍晚
未遑他勝處桂花香裏掉舟回

婺州道中野望

校士扃門草滿衙出郊極目意無涯楓林浥露煊紅葉蕎
麥衝寒吐白花時到三秋應望雨月當初上正思家行行
山路忘欷險賴有同心手共義

游臨江閣

臨江一閣影空浮山自青青水自流說向老僧參未了木
樨香裏又三秋

傅爲訖字謹齋號巖溪元江人雍正癸丑進士歷官左

副都御史

詩話巖溪官諫垣屢上封事風節稜稜明季趙鎮所
侍御謨巡視中城死甲申之難卹贈未行以巖溪奏

請補諡忠愍建祠祀焉滇
人士多爲歌行紀其事

留別親友

交親分餞短長亭未飲情如醉醪醕都道陽城歸帝闕自
知种放愧山靈嶺頭猿鳥嗥偏苦眼底風花攪獨醒老去
幾曾離別慣夕陽影裏玉驄停

蘆溝訪張茂先宅

司空一代一通才辯屈神狐亦怪哉得劍尙知終有合坼
星誰道不爲災荒涼故宅悲禾黍綺麗餘波散草萊立馬
橋頭空悵望十三陵外響雲雷

宿板橋驛

春宵旅館夢瀟溪縹緲雲情往復迷雞唱一聲人乍醒曉
風殘月板橋西

張映斗字雪子烏程人雍正癸丑進士改庶吉士授編

修有秋水齋詩集

詩話雪子有詩名五言如醇酒有清德寒花無媚香
七言如重沽白水如鄉味高揖青山是故人雅有放
翁誠齋風格法梧門甚稱之乾隆丁卯典四川
試還京卒於獲鹿驛位不副才為時論所惜

偕諸子聯騎游北固山

把酒酌江水千秋落照中人間無險要天下有英雄鐵鎖

橫波斷金戈捲地空南朝形勝誤惆悵蔽艤幢

汪師韓字抒懷號韓門又號上湖錢塘人雍正癸丑進

士改庶吉士授編修有上湖紀歲詩編

杭堇浦曰詩之道熟易而澀
難韓門詩有澀味所以可傳

詩話韓門年二十七習清書賦龍書五十韻李穆堂
攜入八旗志館見者咸歎異韓門自謂隸事叢雜意
不欲存同里鄭筠谷贈詩云顏齡觀奇特自嗤還自
賀常熟王次山於詩多否少可獨傾倒之和鄭詩題

其集有兼包竹垞能肯拾漁洋唾之句自序謂習俗
所尚曰輕曰脆曰新曰巧而余意在不輕而重不脆
而堅不新而舊不巧而渾
蓋時時矯其失猶病未能

雜述

家無一稜田田園復何憶所憶湖水濱
退阡連邇陌西風原上來搖漾黃雲色
有秋眾言歡吾亦易飽食何必畝南
東一一爲我得隄上尋酒罇柳下釣
新鯽此興極不忘嗟哉十年客

病喘不能寐披衣常徹宵靜極翻百憂
好夢難可要遠聞雁嗷嗷近覺風蕭蕭
此時劒佩儔因公集城壕月地一何
潔霜林一何高疎慵以閒廢知足愁漸
消鐙燼看窗紙熹微欲詰朝

安肅菜如玉黃芽白籠鬆北蔬品無上
廣蓄支三冬忽憶

故園筍割鮮四序供味以澁而腴矯矯君子風闊別今十年飽飫輸山農南帆競冬載乾腊價枉崇奚翅市駿骨虛名竟何庸

所居近積水夏溽冬尙濡家人苦陰翳競欲新其居湫隘

疾易生爽塏病豈無不見舊僑人廿載何樂胥張國子冰璜居此二十年

故年曷觀東鄰僧土木甯安軀藥根上人於蓮池蕊幢精舍新構東軒住不踰年遽爾物

敝廬在南中較此尤拘墟退守縮屋貧來年我歸歟

送座主給諫王公還貴陽公諱瓚字爾爵貴筑人康熙戊戌進士由翰林仕至

刑科掌印
坐事鐫級

一葉秋原去國情十年載下避驄行北宮久預參裁事東

掖咸知駁奏名獨鶴絕羣先路翥寒雞催客早晨鳴黑雲

杳杳生蠻箐鞞鼓西南未解兵

舟晚

汀夕雨沈原孤津棧輕舸隔霧見村遙林飛一星火

臨清

曲涯秋寺塔孤撐影惑東西送客行冷雨乍飛帆欲溼冥濛煙柳接臨清

楊二酉字學山太原人雍正癸丑進士歷官給事中有柳南詩草

靜者

斗室虛明戶不扃時人錯比子雲亭窗銜秋水一痕白簾捲西山數點青酒後每償書畫債夢餘閒課茗泉經白頭歲月渾忘卻任取寒梅浸膽瓶

彭肇洙字仲尹丹稜人雍正癸丑進士歷官御史有撫

松亭臺

詩話仲尹與樂齋學生同年成進士一時推二難

秋夕宣化道中作

向晚出南口黃沙一掌平涼風肅野草孤月照邊城樹老
蒼煙合山寒白露清人家秋色裏處處暮砧聲

何琇字君琢號勵菴宛平人雍正癸丑進士官宗人府

主事

詩話勵菴治經學兼通六書音韻著樵香小記紀文達其門弟子也為採入四庫

詠懷

冷署蕭條早放衙閒官風味似山家偶來舊友尋棋局絕
少餘錢落畫叉淺碧好儲消夏酒嫣紅已到殿春花鏡中
頻看頭如雪愛惜流光倍有加

桑調元字伊佐一字弼甫錢塘人雍正癸丑召試賜進

士授工部主事有弼甫集

詩話弼甫試禮部以通知性理特賜進士官工部不
久即引疾歸師事勞餘山關餘山書院以教四方之
士性至孝清鯁絕俗足迹徧五嶽晚主樂源書院益
暢師說著有論語說躬行實踐錄詩無理障語善為
五古多游山詠古之作雕肝鏤
腎刻意求新他體亦不苟作

烏龍廟

背江面山根古祠立森竦躩踞鐫青珉蔚蔚渲畫拱靈宮
翼青冥形勢壓岡隴陰寒玉座秋有巖石礎鞏負屋攢松
杉翠燾若環擁奔濤捲盲風殷殿聲洶洶冷客無所祈雜
慮掃紛氄欲訪太虛亭松嶺賈餘勇

和馬君秋日有懷西山韻

延望西山佳胸中有邱壑雙屐何時蠟至竟空言託爽氣

開天關秋風振林薄圓冰當高空纖雲了不著此時峰頭
眠一嘯鸞音作冷夢結冰雪清怨聞猿鶴之子藐姑神微
吟見綽約悵懷空山花無人自開落

初陽臺遺址

奮陟寶雲山山椒平如蓋耕雲種瑤草數畝香晻靄高臺
餘廢礎登臨發深慨萬象等浮漚寅賓亦蓬艾寅賓亭在
三茅甯壽
觀海底騰金鴉乾坤撥茫昧飛薨麗中天想像壯觀最落
日烘霞嵐晚風動松檜未入茶塢游煙蕩湖裏外

宿卧佛寺

馬頭見西山側想梯其麓秋嵐澹容與一道盤林谷散客
游虛堂不勞主僧肅鴨脚幾片黃鴉翻墮空曲偃然古先
生苔髻冷蛾綠感歎疲津梁與伴白雲宿噴旣雨後青萬

象清心目還聞山窗幽夕風戛叢竹

曉次越州用青邱登蓬萊閣望雲門秦望諸山韻

春山未肯晴溼煙颺樹杪船頭散疎雨江城初破曉層空
壞重雲兀立塔勢矯草芳雉雉多水滿浮鷺小東風氣力
勁帆疾過飛鳥朝色暖干巖奇秀當門繞鏡光溢百里一
片青未了禊亭人語空樵徑仙蹤杳在處作清游孤鴻漾
天表

晚登雷峰觀落照

斜陽射赭塔巘嶒皆金光層霄蔚彩翠一徑摩青蒼峯霞
蒸合沓湖漪散滂洋金牛方隱見跋烏暫翱翔投壺天帝
側張樂軒轅旁路逢皇初平縱橫叱羣羊霓旌澹偃蹇羽
衣紛飄揚秋山蟋蟀響鬼火冬青涼倒景倏已滅弦月遙

相望搜吟沾夕露癡坐孟溧陽

夕游虎跑

颺颺一徑風松泉競清響盤沿渡石梁面壑林扉敞日落
山色濃秋近節氣爽寂靜憩諸天新涼納方丈石亭螢澄
泓香臺逼緯象竹几寫微吟匏尊得真賞幽樹暝禽棲空
階白月上客自愛清游衝煙復孤往舊識龐眉僧相送出
灌莽意行欺猛虎彭觥策鐵杖

雨後登南山亭

秋雨盪眾綠草木浮清光空明見湖面平隄白泱泱漁灣
一舸出落葉搖瀟湘晚煙起村舍流水穿僧廊炎節有代
謝物態豈能常元蟬聲忽幽一絲寫清商華鯨數催暝松
杉散飄陽冥搜亭上立風灑薜衣涼

育王山

濱江延層青氣象屹汝獨鼓銳攀松藤螺盤入雲族天清
叫孤鴻山虛響羣木雙高羅寒襟三折盡遠目秋空標識
孤一峯類釜覆崎嶇上上頭恨不棲叢竹緣郭行如蟻細
徑斷來躅唯聞隔谷樵丁丁動巖軸

冷泉亭坐月

泉月併作秋妙境清入骨下約崩雷轉暗厓古香發石危
不可磴木斷大可筏豹聲數犬嗥人立一猿突沈寥輪已
西倒巖影疎樾衣色凜飛霜禁冷坐猶兀風寂鈴不語雲
滄塔忽沒隔洞聞經魚孤僧踟奧窟

宿借秋閣

夜樹辨虛窗月色猶在嶺暗泉落寒滴近竹搖碎影涎蝸

四壁乾露鶴一聲警清話強僧陪跋燭趣更秉藤榻初著
膝夢游恍屢省疥綴游客詩古塵黯弗屏安得白社人對
案寫清景崢嶸抱冬心松雪皓耿耿破凍上霄梯天地極
清冷秋風日夜深幽趣當續領

松風石室

滑磴盤磽确石室頗清妙野蓄秋不花盤墜青窈窕數曲
繞垣低松山面幽峭虛簷入松風催發噌然嘯莓臺屨跡
絕荒冷螻蛄弔山廚起炊煙一縷出蘿蔦倚樹寂無言深
塢自斜照

鳳麓寺

清游如流水逢坳注盤礴青林古僧居看竹例插腳曲房
煙靄侵結構傍嵯嶸山心愛幽森茗話入恬漠不知秋風

夕桐子窗前落覆地雲下階窺人月到閣小住良復佳晚
歸亦不惡度嶺乞一筇紫玉鏗然削

梵天寺

東院闐無聲應戶一僮小荒涼坐古佛飯几下飛鳥北窗
鳴秋風石塢獵叢篠陰壁羸獨活冷砌蛩已悄殘僧如飢
烏覓食出林表廬空無長物吾意滌膠擾廣階類方池多
受月色皎榻此納清寒擬看上方曉

丁婆井

危壁滴琤潺彷彿水樂意漾演蓄蒼麓終歲清景闕泉德
類高人窅無出山志有時喧浴鶴未許奔渴驥園夫日搢
搢用力灌寒翠抱甕豈不勞似謂厭機事巖渫流暗脈滂
沛秋雨至澄泓瀦上方留潤柳紗地

盤只度桃源嶺

梯煙度層岡草青石徑細東偏雨氣散春空露一髻徐放
眾峯出攢螺秀天際嶺首戴孤亭江練橫明霽依約越嵐
重陽光互開閉卻看西溪樹映水低如薺巖阿壘怪石太
古結根蒂汝壽保堅頑人命苦浮脆插腳入白雲百年幾
坐憩窳窳洞門陰雨過長薜荔

鄂容安字休如號虛亭滿洲旗人雍正癸丑進士改庶
吉士授編修襲三等襄勤伯官至兩江總督太子少

傅殉難諡剛烈有鄂虛亭詩草

詩話虛亭為鄂文端長子喬木世臣歎歷中外阿睦
爾撤納之亂與班義烈同殉閣臣擬諡以文剛文烈
上請高宗抹去二文字遂諡剛烈隨園為輓詩有
句云拜表淚零衰草上彎弓弦斷月明中男兒欲報
君恩重死在沙場是善終為時傳誦高綰庭相國誤
以為虛亭臨難時自作偶語潭溪潭溪跋虛亭自書

詩卷及之後見隨園
集又續跋正誤云

月夜行涇縣道中

奮策發南陵暮色二十里月出空山空山深月如水露下
涼蟲吟松香滴石髓峯巒轉曲折澗壑亦何美幾處泉聲
迴盡入稻田裏山家安穩眠犬吠隔林起竟夜此中行月
落朝霞紫

坐廡早發黃縣雪中作

客館燈殘人不住早行欲往蓬萊去一天風雪正開門大
地茫茫看積素光搖銀海無定波青鸞白鶴失真路千山
萬壑都不分此中屹立惟枯樹道旁石田無高低茅檐覆
盡填寒蹊魚龍凍合河面闊幾度不聞流水澌兆豐共喜
盈尺瑞早見普徧青與齊更願憑仗海風力將雪吹送東

山西

殘夢

殘夢不離枕東窗漸漸明曙光銷燭影風力碎禽聲天地
原無意豚魚亦有情虛堂絕人事平旦十分清

將赴江左早發長清行二百里宿甯陽簡同行阿廣

庭農部

回首華陽觀鐘聲杳不聞隨人山疊疊辭樹葉紛紛欲渡
西江水初離東岱雲年來離緒在聯轡話斜曛
霜月雲收影寒鐙旅况幽終朝三過郡小別五經秋身世
云何住馳驅任所投恩深各努力且喜暫同舟

豐城道中

風定潮平霧盡開客懷隨處覺悠哉村藏翠竹千重出江

轉青山四面來章貢煙波連櫂影匡廬路徑隔雲隈明朝
且向南昌去高閣登臨溯往回

薄暮登樓

向晚登樓縱遠眸可憐殘臘似清秋煙開樹色平連郭日
落江光斜上樓東岱北邙遙悵望西山南浦小句留他時
臨眺知何處雪霽風停記此游

渡大凌河

晴山迢遞去茫茫秋草平沙古戰場一日拓疆窮海上百
年歸馬在山陽溝渠但使分清溜豐樂端應見此鄉聞道
昔年煙火集河間五十有三莊

登澄海樓

樓閣凌虛攬勝全皇華使節駐秋煙眼明樂浪元菟外身

在蜚廉桂觀邊
萬里朝宗分市舶
百年漸被沃桑田
登臨我本蓬瀛客
清宴風光一暢然

早發甯遠沿河取路投松山

星斗稀疏殘夜留
曉來晴景滿瀛洲
重山深處一黃蝶
大海中間雙白鷗
破霧有人馳驛騎
臨流無客釣清秋
臺邊怪石供閒眺
煙火微茫向遠投

陳大受字占咸號可齋
祁陽人雍正癸丑進士
改庶吉

士授編修官至協辦
大學士太子太傅兩廣
總督諡

文肅有陳文肅公遺集

詩話文肅當世宗朝
敷歷中外炳然台輔
之望年未五十遽歿
於位遺集散佚光緒
中公元孫仲英觀
祭師始蒐羅綴輯得
詩文數十首刊之

石鏡

天地何年鑄風霆幾拭塵惟虛方受物善鑑始如神夜月
懸雙照江花映早春誰言肝膈裏燭處讓西秦

朱續暉字明遠平陰人雍正癸丑進士改庶吉士授編
修歷官貴州糧道

舅氏內翰公招同念亭卜太史野集賦呈

春山沐春雨靜女整煙鬟淺草宜趺坐明霞助醉顏花隨
村斷續萍逐水彎環十丈紅塵裏誰當似此閒

張九鈞字陶萬湘潭人雍正癸丑進士歷官浙江溫處
道有甄齋詩集

北宸寺小憩

無計長天可引涼花宮隱隱隔垂楊暫拋東郭烏皮几來
訪南宗青豆房兩盞飯消雲子潔一甌茶泛月團香倦時

隨在堪欹枕不用頻移倦客牀

十六夜口占

水驛山郵不計程孤檠照影酒杯傾
醉來欲作還鄉夢懊惱空灘一夜聲

彭端淑字樂齋丹稜人雍正癸丑進士
歷官廣東肇羅

道有白鶴堂詩集

詩話樂齋治古文亦工制藝晚始爲詩取法杜韓涂
轍甚正盤空出硬語不肯落當時科臼自是雅音

游中巖

上巖欲倚天下巖欲拔地中巖尤突兀橫插兩崖際
溪泉直復紆流韻幽以邃蒼藤仗老樹近綠將日蔽
咳唾有猿驚拍手觀魚戲鐘磬度杳冥斷續出煙寺
山奇寺亦古徑僻罕人至吾慕蘇髯公千載見遺字
赤壁走龍蛇不隨風

雨替探奇興不窮訪古性所嗜回首覓歸途谷口白雲閉

霸陵道中

日久行無色馬隕氣不驕秋風清渭水衰草霸陵橋客路
驚寒近鄉山入夢遙不堪回首計髮白已蕭蕭

邵大業字厚菴號思餘大興人雍正癸丑進士由知縣
歷官徐州知府有謙受堂集

童二樹畫梅歌

先生畫梅如畫龍頭角鱗爪森玲瓏干枝萬枝一氣下奔
走雷電驅長風先畫大幹如截鐵細柯旋出搖青銅凍皴
堆作盤錯勢拳曲臃腫驕蒼松攘臂奮腕繞席走筆欲落
紙神飛空須臾雲氣滿四角淋漓亂點寒花叢澹者欲傍
竹籬徑豔者忽近珠簾櫳繁英粲粲儼列屋孤蕊脈脈嗟

離宮就中五出未全出將開不開春冲融踴厲奮發初赴
敵卒收險怪歸中庸一時觀者齊叫絕彭門刺史心則忡
憶昔曾作吳下守討春直到東圖東元墓石壁十里許疎
羅密織交織濃瞥眼一別十六載索笑但有清夢通閒亭
更憶林處士俗骨欲換知無從晴窗喜見大潑墨置身如
在孤山峯始知先生有眞宰澹香清影常在胸畫梅畫骨
兼畫氣破萬卷入青蒙茸張之高堂日坐卧縱有庾塵烏
能攻只恐破壁欲飛去模糊雪海香濛濛

碎石篇示兒子自悅

我行東山下碎石盈交衢牛羊互踐履雜沓埋沮洳鞠躬
暗物色小大羅之裾歸來細磨刮乍覺光氣殊汲水畜盆
盎融融照四隅疇意塵垢裏一一擬璠璣銳者若聳翠髡

者如含珠凸者兀而立凹者俯以趨有如洲之畔采采聯
名姝有如海之島翩翩揚仙襦或紅于瑪瑙或白于瑋璆
碧若出新柳春草謝不如青若抽嫩竹雨過空天餘五色
紛炫燿一脈延清虛不下米顛拜足光刺史輿物苟抱眞
宰甯患長淪胥顯晦有時令遇合終不誣卞和三獻璞季
子十上書一旦蒙拂拭光采凌通都寄言伏處者慎勿傷
歲徂

項樟字芝庭寶應人雍正癸丑進士歷官鳳陽知府有

玉山詩鈔

詩話芝庭歷官多惠政不廢吟
詠工於琢句而不失和雅之音

春日江行卽事時赴大竹任

短櫂春江破曉煙探奇此日似登仙溪頭雲斷千重嶺谷

口光留一線天趙子圖書行處有米家煙雨望中傳從今
攬勝三巴去細酌松醪展杜編

秋日山行

古木蒼藤覓徑微行行曉露未全晞無端山棘攢眉刺不
斷秋雲撲面飛旅雁一聲驚遠宦浴鷗何處避征衣莫嫌
蜀道難如此愛看西成秔稻肥

別黃州

絲絲楊柳帶行旌曉霧濛濛暗去程一歲豈能留惠政雙
鳧從此別江城恐羞勝地題詩少剩有扁舟載鶴輕最是
瘡痍春未起相關不獨別離情

牛運震字階平號真谷滋陽人雍正癸丑進士官平番
知縣有允吾草歸田吟空山堂集

詩話真谷博極羣書治古文紆徐質實得歐曾之勝

題畫

潑墨似雲林秋意森滿幅石氣翻空青古樹寒如束樵徑寂無人西風下叢竹

平番城樓秋望

徙倚窮秋眺高樓接大荒雪明關嶺白風黯塞雲黃斥堠連衰草村墟帶夕陽鄉心逐歸雁歷落不成行

鄭方城號石幢建安人雍正癸丑進士官新繁知縣

詩話石幢為荔鄉兄弟唱和合刻為卻掃齋唱和集石幢後荔鄉十年登第荔鄉方知景州石幢往視之旋別去荔鄉贈以詩曰五十年成名詎遲暮略如紅藥殿春開

初冬返里留別荔鄉三弟

歲歲言歸始得歸朝來漸覺長寒威烏巢早待三秋過雁

陳初驚兩地飛搔首可堪疏客鬢登車真欲溼征衣須臾
且立渾無語相對終難手一揮

李天秀字子俊號焦婁華陰人雍正癸丑進士改庶吉
士官歷城知縣有來紫堂合集

漁

欸乃空濛際生涯在水涯乾坤孤櫂影風月五湖家網掛
寒江綠檣欹落日斜夜來閒夢穩野泊伴蘆花
一葉隨鷗鳥江天著此身卻憐彈鋏客徒作羨魚人曲岸
沽村酒迴塘展釣綸桃源隨處是浩蕩武陵春

周宣猷字辰遠長沙人雍正癸丑進士歷官浙江鹽運
使司運判有雪舫詩鈔

葭林招集乳桐軒聽雨懷葦浦謝山

一
夜蕉窗雨懷人五月秋江湖生遠夢琴筑在高樓促坐
翦殘燭天涯共白頭遙憐吟眺處冷月不禁愁

茸城訪王澹園明府

復此吳淞路春風短櫂餘江寒連海氣潮長入山渠望郭
煙迷戍推篷雨溼書故人官就此聞道有懸魚

韓海字橋村番禺人雍正癸丑進士官封川教諭有東

皋集

春杪鎮海樓望雨

花落木棉城春欲辭我去把酒餞高樓欲見春歸處急雨
隨雷車陰雲屯日馭白鳥煙際滅青山意中遇半空銀河
翻層檐玉虹注平碧遠原草新陰近郊樹想見桑柘煙空
濛故園趣幾人今夜心蓑笠待天曙

偶然作

我無負郭田亦欣秋稼黃
春夏米苦貴盡室甘糟糠
幸免溝壑憂復值硯畝荒
妻孥戒前車飢粥猶皇皇
道逢腰鎌客鍾釜詔豐穰
腐儒坐衣食餓死誠何妨
所傷茅茨間纍纍猶瘠疴

大小雖各適乾坤同娛嬉
鴻鵠所到處鳩鷄安能知
九萬扶搖風律以枋榆
枝誰謂彼誣妄所見誠如斯
許由讓天下平陽不能追
逆旅亡皮冠蹤跡乃見疑
見疑不妨受我外知我誰

尹嘉銓字亨山博野人雍正乙卯舉人歷官大理寺卿

有偶然吟

詩話亨山承健餘侍郎之教內行修篤侍郎學於望溪命亨山復執贄焉遭喪廬墓有三異之記服官勤

慎稱其家風晚歲里居未盡近名之累遽罹无妄之灾著述毀滅無存重可歎也

隆中懷古

俊傑擁書觀大略致遠襟懷安淡泊平生謹慎有君知六尺藐孤真可託魚水交歡起卧龍綸巾羽扇倍雍容世主豈無求賢意天下才多恨未逢三代而還共傳語伯仲之間見伊呂誰憶長吟抱膝時自比管樂人莫許吁嗟文彩豔飛騰席珍漫向時人稱未出草廬能相信祇有徐潁川與崔博陵男兒有志長落落風流千載猶如昨君不見羅者烝然視藪澤鷗鵬久已翔寥廓

鮑步江見過

有懷淡蕩人好共忘機者舉觴見宗之論文稱白也山雨欲催詩風來倍瀟灑

謁己山先生

柏銳松堅道貌尊
水雲深處老乾坤
堂高竹里新陰茂
月印方塘舊澤存
在昔橫經依馬帳
于今點雪立程門
廣川自得名園樂
大業千秋裕後昆

秋山

西山來爽氣
萬籟自然秋
樹色經霜老
嵐光向晚浮
清高偏拔地
蒼翠待尋幽
極目遙天淨
何時得壯游

董子故里

雲寒樹老隱孤村
董子帷空故蹟存
千載有人頻駐馬
三年茲地不窺園

鄭模號東里
雲南趙州人
雍正乙卯舉人
官始興知縣

寄邵蘭江太史

其德

蒼狗翻新態青松蔭故枝華山聯榻夕楚水掛帆時風雨
圖中畫輪蹠袖裏詩廿年泥印爪長此住相思

徐世佐字輔卿號石亭湘陰人雍正乙卯舉人官鹽大

使

詩話石亭為古文有義法詩古體奔放有奇氣近體
多名雋語五言如老樹愁空壘寒鴉語夕陽一鷺看
魚躍雙鶯挾燕飛七言如三月風雲連鹿角一天雷
雨下雞心人行細雨毛萋宅雁叫西風漢武臺皆不
愧中晚名句仕未達又坐事戍伊犁晚得放
還乾隆乙卯重赴鹿鳴年八十餘卒於家

登流河驛亭

敢衝京兆馬獨上子雲牀疾病思前日乾坤落異鄉晴煙

三島碧秋草九河黃搖落成今古孤亭起夜涼

丙子暮春直沽舊寓獨酌憶昆甫齊年時死二載矣

縱飲猶三月回頭又七年地分禪榻穩天抱酒杯圓細雨

羅洋墓罌風渤海船此生容易盡但醉不須憐

侯大之中牟

汝去中牟縣秋風正寂寥夢留鸚鵡谷人在駱駝橋嶽色
悲游子江聲怨大招明年春草長爲報海門潮

海上吟

去去吾將老西風萬里長一尊滄海月三尺島門霜龍躡
爭棲息鮫珠竟杳茫何來釣鼇客飄泊入重洋

登鐵鑪峯入清風寺

插空屏障定誰遮亂齧殘春屐齒斜青石路窮無客館綠
松門入有僧家猿攀溼立窺新果蜨抱香眠惜落花老我
麤官何物似眼前一片碧潭霞

贈龐少胥李定夫

明詩集卷六十一
盡道天涯咫尺間短衣長劍謝朝班將軍白馬秋乘障柱
史青牛夜度關風起五湖沙似雨雲開萬里雪爲山相看
把酒莫惆悵前日生逢定遠還

夢斷

斜月疏櫺淡欲無朔風吹夢入南湖不知天地緣何事慣
向津門嘯夜烏

董榕字念青號恆巖豐潤人雍正乙卯拔貢歷官江西
贛甯道有便陽集

詩話恆巖官江右蔣心餘太史未通籍恆與游讌嘗
取秦良玉沈雲英事旁及明季遺聞譜芝龕記傳奇
辭旨悲壯顧曲者與孔東塘桃花扇並稱晚以母
喪歸泊舟滕王閣下夜墮水死尤與洪昉思相類
九日同張西園登撥雲峯

好是登高節來穿霧窟行雲盤千磴仄秋逼兩峯清有寺

藏蓮萼何人采菊英僧雛能解事歷數上方名

邊連寶字肇軫號隨園任邱人雍正乙卯拔貢乾隆丙

辰舉博學鴻詞庚午舉經學有隨園集

戈芥舟曰隨園詩以韓孟為宗七言歌行兼有青蓮

玉川子晚年深造自得其剛果之氣不能自沒於沖

夷淡寂中蔣心餘曰隨園脫絕町畦戛然獨造嘗

自言曰僕如孫樵天付窮骨宜安守拙入貢士列十

黜有司然抉文倒魄洗剔精魂澄拓襟慮字字磨

校以牢知音雖粹如凍灰癯如槁柴老死不易

詩話肇吟兩膺薦舉一就一不就謂鴻詞所求者文

章之士應之可也經學惟老師宿儒當之吾豈其人

詞科掌錄稱其研經辨史篤學不倦北方學者未能

或之先也嘉興錢文端公知之最深有東邊鴻博句

云好學文園賦曾懷光範書生平與河間戈芥舟最

相契詩以冷峭為主以摹擬為戒宗旨相同集末附

禪家公案一卷蓋

空城雀

晚年頗耽禪悅也

不巢人家幕不穿人家屋不飲太液水不啄太倉粟生長

明時雜言卷之六十一
空城裏日暮空城曲王孫手挾金彈子上林鳥雀逐彈死
空城從不識金彈君道何如上林苑

秋日雜詩

秋風肅以清策策鳴窗紙中有兀坐人幽憂漫不理索之
無其端覓之無其委旣同亂繭絲復似洪河水浩淼絕垠
堦瀕洞少涯涘何以消遣之惟有杜康耳一從斷酒來誰
復發我齒

嫋嫋風中蘭鮮鮮霜裏菊過期卽彫殘非候不茂育枯苑
故有時春秋各自足獨彼枯樹株一世少煦燠雨露朝不
濡鳥雀夜不宿百孔與千創螻蟻穴其腹那更生穉華已
矣休妄矚

綠樹何葳蕤膏澤發其榮美人競採摘皓腕攀繁英嬌愛

比金翠簪鬢光晶瑩採摘所不及枝聳入青冥驚飈一夕
起飄飄墮溝塍長謝娉婷侶但與蛙黽并爲我語花枝且
可近簷楹欲令美人摘休作高崢嶸

清商沁骨髓發爲酸楚吟物理有推激欲制難可禁金匏
雖異族笙磬乃同音孟郊死已久誰當知我心

晚吹

晚吹蕩林薄凌空一葉飛天光寒已夕雲影淡何依歲月
有遷遞雪霜無是非于中覓消息斟酌可忘機

古碑

陳人閉永夜野土化枯骸表裏無青史婆娑有綠苔捫心
應自愧諛墓亦堪哀伊呂真千古豐碑安在哉

懷劉司州

聊齋詩話卷六十一
抵死讐紈袴謀生去井疆或能辭顛領直可閱炎涼砥杵
千家月蕭疎兩鬢霜饒君多道力容易耐迴腸

秋晚寄芥舟

醉倚西風送遠眸碧雲盡處是中州魚龍水靜澗漣晚竹
柏煙深嵩少秋貝錦織成應有恨覆盆揭去可無憂西園
殘酌今猶在月底新吟待爾酬

寄懷戴通乾

十年未見戴遼海消息傳來半可疑久識鱖魚愁永夜又
聞老鶴耐長飢斯人憔悴至於此大造生成豈不私萬載
千秋身後事榮施落寞復誰知

費應泰字二交一字東嶺號履齋巴陵人雍正乙卯拔
貢官瀘溪教諭有含翠齋詩集

桃源洞

不識桃源路舟人指故山白鷗秋水外黃葉夕陽間塵世境原幻漁郎事可刪時清競朝市長覺洞門閒

趙沅字語水號芷畦平陽人雍正乙卯拔貢有賣餅集

霜葉

微霜釀白露一夜成新醅樹葉沾之紅直如不勝杯續紛綴水面漁人爲徘徊我願謂漁人何用多疑猜清溪八九月那有桃花來相聞百里外其山類天台中有雙美姝非復人間才題詩不用楮紅葉拾莓苔倘有相思句可能爲我媒

黃輅字乘殷會稽人雍正間武進士有錦水詩集

詩話乘殷與商寶意同官姑熟公廡有嘉樹清泉建草草亭日相酬唱儒將風流可以想見

戈郎佩刀歌

戈郎佩刀如白雪，剗割多年無缺折。佩之繡帶雙紅綰，小尾春鵬光皎潔。今朝忽下清泠水，錦石秋沙平若砥。霍霍微聞咽水聲，蒼雲已向波間起。風胡不可逢，薛燭多矇矓。金塘浮動紅芙蓉，誰知爲蛟龍。斷髮吹毛，千古技殷血。牛蹠何足計，腕下應無細碎仇。眼中只識春坊字，天風忽聞耶溪銅鼓鞦韆冶。非神工，鬼母夜泣孤生蓬。豐城之氣如長虹，刀兮刀兮秉姿雖小龍，性在終恐高飛倚天外。

秋馬

廐與居鄰近，秋風動馬嘶。五更關塞月，千里雪霜躡。壯士新華髮，將軍舊鼓鞞。平生慷慨志，爲爾一含悽。

留別蕪湖舊友

于湖久住忽思家勝侶分飛雁影斜惜別一尊將進酒含
情兩朶未開花殘年南陌無芳跡舊錄東京有夢華不待
登程始惆悵錦屏風外卽天涯

何紘字調父番禺人舉人官永安教諭有畧村詩草

秋村

三畝蓬蒿宅龍鍾不出村黃花沽酒市紅葉檢柴門粗糲
收雲子精蔬長芥孫西風好消息礎杵起田園

客夜登樓同崔守甯同年賦

兩年曾作客萬里此登樓旅夢昨宵好美人何處洲有天
皆接水無月不當頭我欲吹長笛聲飛故國秋

音異米燕良不當... 兩幸曾亦容萬里... 孤山香... 遠... 宜... 無... 夕... 歸... 幸... 歸... 父... 椿... 人... 舉... 人... 言... 天... 交... 送... 歸... 百... 岳... 林... 荷... 草...

晚晴簃詩匯卷六十八終

晚晴移詩匯卷六十九目錄

岳鍾琪 七首

崔應階 四首

夸岱 二首

吳紹詩 一首

六十七 二首

藍千秋 二首

尙廷楓 四首

蔣衡 七首

善泰 一首

羅泰 三首

保祿 七首

蘇章阿 五首

方觀承 七首

施世綸 十首

朱一蜚 十三首

張沖之 二首

李永標 一首

王如玉 三首

梁允植 三首

馬鵬飛 一首

王時翔 二首

錢界 二首

此項系音附卷之十一

李徵熊 一首

高岑 一首

鄧士錦 二首

程襄龍 十一首

鞠濂 一首

鄧友棠 一首

吳隆騰 二首

王以中 二首

晚晴移詩匯卷六十九

徐世昌

岳鍾琪字東美號容齋華陽人歷官四川提督封威信

公謚襄勤有安素園詩存

詩話襄勤為武穆十七世孫宣威絕徽績在旂常相傳憲皇知其能詩入覲時問賜詩有和章乎對曰偶有篇什實未能與文人角遂至天章奎畫惟尊藏以誌榮寵不敢如詞臣賡和恐近於褻上嘉其得體詩之豪邁肖其為人而言情體物致多深婉律句如春日云獨醉非耽寒食酒孤吟強對夕陽花折枝桃花云小插蠻尊依月牖深垂簾幙避風輪韓信嶺云儘讓蕭曹成佐命安知絳灌遂封侯漫成云長短夢還憑蛟意陰晴天欲任鳩呼則又意味曲含雖專家無以過之矣

軍中雜興

列竈沙關外營門淡晚煙月光先到水秋氣遠連天歸雁穿雲去飢鳥帶子還西征諸將帥辛苦又經年

燕臺閒居

危冠歆短髮老去厭華裾
畫諾真投筆閒門敢避車
秋遲沙塞雁春滯錦江魚
偃蹇東華路歸懷繞敝廬

感懷

好花好鳥帝城春
羈旅蕭條白髮人
處世慎如危棧馬流
年迅比下坡輪目昏
晚讀臨窗隙紙貴
閒吟拂壁塵莊蝶
幾宵頻栩栩那能常似夢中身

登黃鶴樓和張無偽韻

黃鵠磯頭楚水涯
層樓高敞接煙霞
偶然白髮閒吹笛已
是青門老種瓜
墓雨荒臺空說夢
扁舟逐客竟忘家
古今都付東流去
倚檻無言看浪花

浣花溪秋日

白袷西風老薜蘿柴扉鍵閉免譏訶
衰年肺病投入少落日秋聲到樹多
十載功名歸戰馬三邊烽火憶明駝
九重若借西涼簿寶劍猶堪靖兩河

和玉干山人詠門神韻

歲底桃符換家家爲寫眞
侯疑封戶牖榮比上麒麟共許
千金面同爲一代人
葫蘆依樣畫祇惜傍風塵

陳倉

雲棧行將盡平原四望秋
興王無片土賣酒有高樓
華嶽雲遙接秦川水近流
礮溪思釣叟遇合老夫愁

崔應階字吉升江夏人廕生授通判官至太子太保刑部尙書遷左都御史有拙圃詩草

月夜登南樓與黃甥感賦

晚晴雜言 卷之六十一
二
爲客長安道還家值暮秋庾樓一片月邊塞幾人愁雁冷
東南去江寒日夜流相逢歡不盡杯酒話滄洲

盧溝橋觀渾河濫漫歌

長橋獨扼天下雄蜿蜒高拱橫西東伊昔何人能鑿此鯨
蜃飛動神其功無乃秦皇鞭石渡海之遺趾其爲穆王鼉
梁高架之奇工不然何其宛轉三百尺隱如玉龍天矯飛
晴空有時濛濛煙雨西山際萬壑直挂垂天虹千年砥柱
難與同車書萬國恆相通下流不斷桑乾水發源遙自天
池中經過馬邑雲中之汨澗始能伏沙穿石來無窮吾聞
崑崙之水分九派三門壁立流沖激此水得無分其一蹴
天撼地驅長風洪濤直下三百里奔流入海何怱怱內有
毒龍性難制翻波攪浪威豪兇呼吸百川神莫測倏儻吐

氣蒸冥濛揚鬢掉尾山嶽峙高撐雙目凌波紅崩崖決岸
送肆虐飛騰霄漢橫相冲有明三百年爲害田廬漂沒無
始終 先帝聖神功邁五九河疏鑿歸溶溶視此渾河若
杯水安能任其激洌而洶洶石隄高築盤鞏固爰命勒碑
封其龍龍亦俛首曳尾去遂移靈族潛珠宮兆民有賴誦
功德郊原千里安春農我以奉命來盧溝孤城分守扼咽
喉西連秦晉之要隘東接燕薊之雄州嗟我鳳闕雲中浮
嶒峻山色橫青虬日夕悵望斯橋上車塵馬迹何時休批
肝豁膽誰其儔濟川之志徒悠悠時維五月旱爲虐火雲
天際疑不流赤日當午更酷烈山焦海竭如焚邱欲雨不
雨蜚廉怒黃沙黯黯摧城頭禾苗漸槁川澤涸土煙赫赫
生空洲蛟龍飲渴魚鼈愁勺水餘波安可求我皇德際唐

虞盛日月明哲多神謀垂拱無爲勤厥修萬邦賓服皆懷
柔致治之要務在本民生大計惟田疇嗟此旱魃妨農事
下詔責己歸其尤咨爾臣工恪封事勿使朕躬忝闕貽民
憂一誠昭格上蒼意帝遣天吳驅日駛須臾大地涼風生
萬頃雲濤奔六轡潑空濃雨翻銀河雷光電掣金蛇細溽
暑潛消宇宙清油油禾黍生平地康衢擊壤歌神堯含哺
俛俛歡無際萑苻歛迹四境安刑清頗遂幽棲志公餘閒
眺水雲開豁然一聲霹靂至渾疑天柱半空摧崑崙壓倒
巨靈臂狀如六鼇架海歸南溟長鯨吼跳波中戲又如三
軍突出單于臺雜沓刀鎗衝鐵騎雄濤萬頃雪花飛素車
白馬錢塘次拏舟我欲窮其源乘風破浪渾閒事息彼蓬
萊最上峯更尋織女支機器星槎直泛斗牛還騎鯨不效

青蓮肆海闊天空任往來誰能絆此垂雲翅胡爲碌碌滯
塵埃謫居又非香案吏秋如對酒且高歌曠懷磊落搜奇
思興酣長嘯一聲秋西山煙翠多佳致

九日過方順橋書懷

征途難破是愁圍秋滿長隄葉亂飛行客有情縈細柳斷
鴻無次背斜暉十年燕塞家頻隔九日龍山約屢違此去
正逢南下路羈遲何事未能歸

登峻極峯

欲上嵩高第一重芒屨竹杖趁雲蹤雙林迴出三千界二
室晴開六十峯玉女幾曾逢漢武石壇不復繼唐封憑臨
未敢舒長嘯恐破天池走卧龍

夸岱字桐軒滿洲旗人由侍衛襲封承恩公官至工部

尚書有桐軒集

小園雨望

六月繁陰遠荒村計亦賒作池堪積雨除草爲妨花遂覺
茅亭敞還依水檻斜涼風披綠野幽意在桑麻

西園閒步

睡起閒庭日易斜偶來林下靜無譁蒼苔小徑飛殘蝶荒
圃餘蔬間野花雲意在天秋影澹山光接樹綠陰賒待將
禾黍登場後好把詩情付酒家

吳紹詩字二南山東海豐人諸生以薦授七品小京官
官至吏部侍郎諡恭定

自題望雲圖

六十春光彈指過百年心事半蹉跎白雲亭畔巢痕舊天

水樓邊鴻印多回首驚濤成幻影仰天旭日曝寒柯臨崖
暫倚華峯石巖巖遙連北海波

六十七字居魯滿洲旗人由中書歷官給事中有游外

詩草臺陽雜詠

詩話居魯世儒家世父關舒泰叔關寶惟善皆能詩
居魯尤敏瞻出巡臺灣撰臺海番社播風圖考記赤
嵌風土甚爲翔實居魯名
或書陸世琦蓋取諧音也

題碧桃花

煙滋雨濯淺深紅石畔天天一兩叢海國芳菲春不管碧
桃花嫁鯉魚風

夢中次春雲亭韻

飛閣層樓照眼明迴廊禪室誦經聲松陰幢影覆臺殿枝
上野禽時一鳴

藍千秋字長清宜黃人諸生薦授國子監學正歷官盛

京戶部員外郎有藍戶部集

三山紀游寄洪五

自幼好道喜神仙臨風輒欲生羽翮側聞三十六洞天乃是神仙之窟宅吾鄉百里聚其三巨靈知費幾鏤刻玉笥麻姑不足數羅浮天台乃敢與之敵嗟此神皋近屋廬奈何終日披圖徒嘖嘖爰是齋心有七日不攜藜杖獨登厯半日到黃山黃山凡九曲石澗爲腸胃屈盤山之腹緣源日暮溪聲中行行欲盡路復通岡巒萬疊凝積翠過此大都山爲宗有時飛泉注巨壑風訇雷吼何隆隆登崇岡入煙靄憩山亭望華蓋山亭高高可望仙華蓋三峯若華蓋云昔浮邱老仙伯於此跨鶴遺九垓我來褰裳陟其頂果

然峻極冠天屬俯視萬有盡鴻濛獨立長嘯來天風片香
頂禮心魂肅仙翁賜我青芙蓉子有綠髓墮塵堪服此還
丹爲玉童爐峯不可上還窺紫元洞洞口白雲封訶護有
蛇龍曩惟仙人白瓊海飛步一羣雲篆踪夜宿繁星繫簷
際旁睨洞黑無根蒂道士烹茶話靈籙四座聞之毛髮惴
亦云軍峯碧元洞天更曠岳我聞此語轉愁絕拜辭浮邱
下青嶂日出五更中夜發上山下山磴道盤兩日乃抵峯
之觀觀在山顛居峯趾從趾詣峯十五里峭壁插天幾萬
尋峯端穿雲看滅起天梯石棧半欹垂望望懸崖惟一指
爰誓心曰爾毋怛爰勅足曰爾勿飢百脈交裏汗浹踵兩
膝杖拄頤隱齊少焉休天門踞石關南墮游絲盱水寒青
煙數點浮羣山旣度石關惟鳥道非復人間風浩浩煙雲

瞬息已萬變，恂恍不知身。歷高石骨臨，下下空翠側。立煙痕，人度處，半趾著石，半蹈虛。喘息不聞，何知懼。懸行倒立，碧壁上，身爲蟻，蠓緣屋梁，鷹翅嶙峋來攫人。欲墜不墜，萬古張石版嶺，下則負背上，摩膺鵝頂峯。左有石檻，右煙籠。行人咫尺相噉應，幸不見下之空濛。旣至，延佇斂精魄，默默太息，疑夢中玉闕森列，天人居磬折，再拜百慮祛。舉眸羣動滅，窅然惟太虛。氣象亦漸盡，太虛乃無廬。選間元氣盪靈曦，玉海澌瑩無端倪，不敢久留神。官怒撥雲披霧，尋舊蹊步至山腰，歛雷鳴上呈日色，下陰翳雲馳。小馬逐大馬，殷殷俯聽生，然疑下盡山麓。一大笑，何人荷笠披蓑衣，翊破雲英溜雷雨。孰知我從雨上歸，躡路訪中華，所歷漸平寬。竟日縈原隰，未敢歌路難。陟此山若旋螺，三周百折。

猶山阿綠煙深鎖不徑露一峯盡處一峯羅旣異碧元之
峭嶠亦殊華蓋之嵯峨倏恬曠倏幽遐高而不危深不頗
神功出險開陂隨嗚呼三山擅靈奇幽秀險嚴各奠基告
歸三日休勞足忽然掉頭記依稀急起走筆右手塗左手
持紙尾言無詮次只狂掃少縱迷茫不可追一章寫寄獅
山翁獅山獅山此景恨不與君同覽此當卧游戶庭生清
風

慰李巨來下第

夫君數偶奇返棹秋江湄客思雲兼月歸舟酒與詩才非
不可愛世自莫能知慎勿悲寥落今纔弱冠時

尙廷楓字嶽師新建人官戶部主事

野中

雨嶂高花溼風原灌水清野人無瓦屋春色自柴荆城遠
舟航至天開鴻雁橫晚晴溪路寂月帶一星行

送厲太鴻

層城搗練北風微送別沙頭淚染衣四野夕陽羣鳥散萬
山秋草一人歸新霜已見鬢絲改中歲徒傷心事遠湖上
舊廬終隱得嶼梅汀柳尙依依

題汪西顥花塢卜居圖卽送歸武林

高月弄明色惠風揚遠心西溪水流淺香塢春光深我友
欲歸隱結廬在峯陰因思飯僧後卧看梅花林

送趙意林

野鳥生嫌浴鳳池國門攜手不勝悲故山松竹情原厚聖
代文章道豈衰塞上風高雙雁急江南天闊一帆遲重經

淨慧論詩地七寶莊嚴問是誰

蔣衡初名振生字湘帆金壇人恩貢官英山教諭加國

子監學正銜有拙存堂集

詩話湘帆手寫十三經乾隆己未誦闕呈進以是進秩辟雍鑄石即用所書是謂本朝石經士人閉戶就書遂成盛業中郎邯鄲誠未敢仰瞻要不失為張紹文孫朋古一輩人

過嶺

青天亂插翠芙蓉纔轉籃輿面面峯下界蒼茫渾隔世上
方杳靄但聞鐘高懸玉乳三千丈橫架明霞一萬重作賦
當年曾有客祇留殘墨半塵封

哭王或菴先生

執手與翁訣翁心真浩然不揮妻子淚獨念父兄阡淮水
寒雙槩橫山蔽一椽往來皆旅櫬何處是重泉

去年殘臘日破寂過吾閭
兒女能依膝甥孫甫誦書
酒逢成釀候梅又試花初
頓掃衡門跡愁聽逼歲除

元日津門雪嚴寒茅嶺風
文章思作者涕泗誅吾翁
瞬息十年事魂傷半畝宮
夜臺如可卜心跡喜相同

地運偏當厄斯文豈數奇
西鄰痛慈母南巷泣孤兒

江右毛心
易亦寓金壇毛先生死
有老母先生止一子
發覆無遺老趨承失所師
羈魂招

不得聊賦屈平詞

過陝州

砥柱遙瞻峯絕奇抗懷千古更誰知
二公分陝王風遠六

國圖秦霸業衰竹影草堂傳魏野
墨痕池水愛張芝勞勞

馬首空徵逐日暮停車有所思

砥柱三峯張芝墨池俱在陝州魏仲先居東郊宋真宗祀汾陽召見不出詔圖其所居曰草堂多竹石

憶曲阜諸子

去年沂水今連水春暮懷人草未青
記得城南修禊日玉蘭花下寫蘭亭

善泰字中憲滿洲旗人官協領有草竹軒詩鈔

消夏

何地堪逃暑空堂坐學僧
埽階風作帚照壁月爲燈
但得心如水無勞客似蠅
簿書重疊置抱膝謝良朋

羅泰字西園滿洲旗人諸生官刑部筆帖式世襲佐領
有西園集

訪孤超和尚

遠黛逗朝紅人逐鐘聲止
犬吠隔疎籬老僧寒未起
幽磻水淙淙細路石齒齒
倚杖叩禪關身在白雲裏

閉戶

門前無屨迹寂寞掩蒼苔
一夜雨聲急滿庭花亂開
長吟春未老失喜燕還來
爲謝今朝事孤斟濁酒杯

送別

送子斜陽外心情借酒澆
一亭春草碧千里馬蹏遙曲唱
新楊柳人過舊板橋後歡雖可卜此際已魂消

保祿字在中號雨村滿洲旗人官戶部筆帖式有野人

居橐

詩話雨村嗜讀書兼通內典詩縱橫倔強如枯藤
怪石李穆堂爲作序許爲清新老健直追古人

清明日同人城南看花各賦七言古詩追和蘇東坡

楊孟載兩先生作

東坡久不出孟載亦已矣一朝風雅擅千秋六百年間兩

王子吉祥古寺荒蒼苔西江省掖安在哉更逢我輩文酒
會看花又向城南來今年閏歲春尙淺草色纔青柳條軟
桃花李花漫爛開新紅亂颭玻璃盞諸公豪邁世絕倫狂
歌雅謔皆天真浩劫不須問前後座中俱屬當時人檻外
西山銜落日諸公有興轉超逸春水平鋪玳瑁筵香風爭
送珊瑚筆氣酣詩就聲鏗鏘花前酌酒呼蘇楊千古風流
有同調九原一笑神洋洋

題張玉川獨立蒼茫自詠詩圖

宛爾玉川子蕭然獨立時夕陽開醉眼野色上吟髭九命
憑誰問寸心應自知披圖還一笑我亦正含思

中元約玉川於次日游北山玉川以事不往夜聞風

雨大作予亦興索感賦

晚晴雜詩附卷六十九
清夜轉危坐孤亭酒半醺可憐一片月隔斷萬重雲兩地
風兼雨相思我與君青山空有約幾負鹿麋羣

寄懷潘立夫

嶽崎磊落是吾師鎖院文章畫省詩往事徒留青玉案故
人今在白雲司香消蕙草春歸早綠障槐亭日上遲萍聚
十年嗟雨散輒紅如夢隔相思

醉後作

露坐披襟望酒旗興酣高詠北風詩可人只有陶宏景得
意誰如顧憲之百罰深杯消歲月一天秋色上鬚眉兒童
睡穩休驚覺夢裏魚龍任爾爲

留別

擲卻毛錐望朔天笑提長劍出幽燕終南風雪崆峒月醉

眼看山到酒泉

郭林宗墓

孤墳三尺草離離異代風流是我師
欲薦溪毛嗟日落晚霞紅上蔡邕碑

蘇章阿字雷巖滿洲旗人世襲恩騎尉
有補履齋集

詩話雷巖與保祿雨村同宗雨村詩橫肆雷巖詩雅潔幽秀娟淨別開蹊徑尤工倚聲

宿廣應寺夜雨

松窗鐙焰細山院雨聲秋
夢冷雲留榻天寒雁過樓
泉流深壑靜鐘響夜堂幽
不盡蕭疎意狂吟醉未休

夢醒

夢醒已無迹愁來不可尋
鐙殘照孤館葉落響疎林
寒月淡於水秋鐘冷若琴
寂寥當夜半擁枕獨悲吟

晚步至山寺口占

流水引人遠緩步入深松不覺春山暮時聞風外鐘溪煙
生夜月林影斷危峯幽境紅塵外歸樵或一逢

春夕僧寺書懷

十年書劍客天涯富貴神仙兩盡差誤我一官眞作累依
人萬里尙無家滿簾煙月聞清梵幾曲疎琴怨落花小院
夜寒春寂寞半龕燈火伴僧伽

江都

歌管紅燈十萬家江都從古號繁華春風夜雨蕃釐院落
盡年年枳殼花

方觀承字遐穀號問亭又號宜田桐城人由中書官至
直隸總督加太子太保諡恪敏有問亭集

詩話格敏少時祖若父俱戍塞外歲時往來營菽水
之奉於其間厲志氣勤學問周知天下利病人情風
俗平郡王夙稔其才奏請為書記由是大用詩隨境
為哀樂早年于役諸詩蒼涼悲壯爾後漸入亨途多
應制之作風格亦稍稍下矣

家兄來書擬春初抵塞將至奉憶之作

期近團圞思轉深痛中竭蹶豈能禁麻衣萬里呼天淚凍
雪千山負米心京國書纔開舊臘閭門望苦到而今傷心
強說春風聚長大先須作枕衾

大父遣赴奉天

重闈倚衰白我行將何之尋常未易別況乃天之涯飢寒
驅冷斂汗漫無家歸生計在干人得失難預持敝裘支凍
骨羶酪充路饑辛苦付前途孤蹤行李微回首望朔風淚
眼垂冰絲翻笑窮途泣一身何多悲

征車促行色出門重回頭歷歷家人面後會甯豫謀幼弟
牽我衣涕淚不可收撫摩爲拭淚給以非遠游弟兄各飄
泊獨汝膝下留去去摧肝腸何以慰邊陲

痛哭辭先靈孤櫬懸野戍從此萬里天瞻雲空陟岵來日
拜庭前音容杳孺慕何時封樹安終身守隴墓寂寂龍眠
山悠悠關塞路春草枯中腸悲風鳴磧樹

野宿

野宿必依廬帳求井也車輓相聯荒草一
匝秣馬其中人宿車上曰野營又曰冷營

遙指行廬入暮天營依一匝短輪連黑風飲馬人呼井白
雪眠車夜裏氈強抱夢魂來斷磧又聽軼軼起荒煙柳條
數問邊門路傳道冰沙不易前

聞族人奉詔出旗

忽聽雞竿下鳳綸衰門今荷主恩新銜羈謝作髡鉗侶聚

族重爲里閭人纍困十年終見覘網開三面正逢春窮荒
尙有孤臣淚欲訴無因達紫宸

寄懷葉聖嘉

關程如織信仍稀況是天涯卧鐵衣塞障東西七千里可
憐雁不解橫飛

施世綸字文賢漢軍旗人官至漕運總督有南堂詩鈔

詩話文賢襄壯子起於世閥當官廉直所至革羨金
劾貪吏除蠹役摘姦發伏以嚴明聰察爲治民間二
百年來歌誦之比於包孝肅海忠介詩雅健蒼秀鄧
孝威爲作序謂其質處皆華淡處皆古高處皆秀割
切深中
人心云

將至昭陽遇雨

海燕集深林春鳴泊枉汜沙草去微茫渚花寒不起雲際
辨昭陽含淒路未已日夜望吳陵江鄉三百里臨風坐釣

人當雨牧樵子一帆海上歸霑溼來如洗豈是兩忘機各
在煙水裏

秋江夜行

夜色趁行舟空江蒙薄霧秋蟲尙有聲切切隨我去感物
念所思路遠知何處寒雁起天末關山歲將暮霜傾楚國
花風翦淮河樹搖落徧人寰月明如我素

烈山

川末見秋山浮波一點石獨留萬古青拄破長江白我生
愛探奇浩蕩尋絕蹟採藥步層阿隨鐘到仙宅境靜雲鳥
來崖幽松竹積何異蓬島居地隔紅塵色吾願結吾廬棲
遲此巖壁

漑柳

吾慕武昌人官齋亦種柳分翠來城隅深根植堂右欲令
廣垂陰大施灌溉手溉者日百株悴者常八九雖然未遇
時自卯終到西南山忽送雲一雨三旬久五日盡萌芽十
日齊過肘匝月長出檐青青入吾牖向敢冒天功人力亦
不苟從茲培護勤蔭庇萬間有

虎邱行

日落江清放船好蒼蒼樹色虎邱道江上昔是闔閭墳今
人來醉墳上草蘭橈酒舸日夜留年年歌管無時休風光
易促人易老昔人曾似今人游游人來往成千載月明惟
有荒邱在荒邱閱見幾繁華春去春來長不改夜半吳歌
入客船客心不樂更不眠舉杯聊醉江楓天

壯心

壯心不自抑，屢向五更愁。歲暮公孫被，天寒季子裘。關山多雨雪，江海少歸舟。昧爽披衣起，鐘聲在寺樓。

白洋河旅次

征途頻駐馬，旅次復彈琴。自寫相思曲，誰傳一片心。洋河流不細，風雪意何深。歎息陂田鷺，天寒立短襟。

寄曾用耿

何時清興不，君同倏爾分。飛似轉蓬北，地寒深猶有菊。南天歲晚正多鴻，子歸尙戀燕山月。我客長懷故里風，無限蒹葭秋水永。令人日暮望江東。

章夏途中

前山歷盡後山來，日暮東西送雨回。列嶂重關微徑出，遠煙幾道一村開。老僧鳴磬歸香刹，翠鳥銜花過講臺。南望

岱宗青欲滴碧空雲外鬱崔嵬

登華嚴洞

高洞陰陰歲月遲客來重讀壁間詞山川俯仰悲今昔桃

李春風又一時

朱一蜚字健冲嘉善人諸生由知縣歷官山西布政使

有浣桐詩鈔

沈歸愚曰讀浣桐詩鈔其志廉以潔其辭雅以醇麗而不佻高而不抗古詩規撫韓蘇近體不落大歷十

子後

詩話健冲初為諸生讀書南雍雍正間以薦辟起家出宰赤緊課最廉能不數年遂至方面才地遭際同時與馬墨麟沈寓舟相伯仲詩清雋疏宕殆出兩家之右

晚眺

無盡寒霜下遠溪彌天虛白瀑泉西人如雲鳥看還小屋

比秋花亂不齊院外山移陰黯淡窗前鶴宿露清淒一聲
畫角催星曉驚斷吟魂落月低

六月初三日聞蟬

先秋半月蟬初鳴忽然聞此淒切聲秋風未振綠樹暗樹
葉不知蟬早驚羈人輾轉破午睡一官匏繫何所成君不
見一歲蟬鳴一回老頭邊白髮如秋草

耿格菴遷西陽刺史赴都余時南歸分道志別

秋水平隄疏雨歇風吹楊柳驪歌發同作西秦輾轉身君
向長安我還越鞭絲帽影結隊行方舟並渡灞橋平漁燈
夜泊新豐市戍火朝明太華城潼川谷口分攜處聽雨聽
風各異路代馬還嘶塞北煙越禽自託天南樹南北翱翔
多故人不脛不羽要路津致身遲速須有會莫以外吏傷

沈淪別語無多各努力後會悠悠夢相憶龍潭高處少鴻
飛滿樓煙雨空秋色

自魏塘放舟抵瓜步

輕舟撐出荻花叢一路沿洞細雨中夜色尙稽江雪望春
流漸與海潮通杯傾竹醕來吳市客換籃輿撲汴風旅邸
推窗無穩夢碧天嘹唳度歸鴻

夜泊江干見月

扁舟成夜宿暝色易蕭條夜火孤村出寒更獨戍遙清暉
離海嶠灑氣應江潮爲問初生魄今來得幾宵

通州訪李佐才卻寄

甯爲無根萍不學東流水萍踪有時合水流去不已憶昔
秦關識面初郎君白皙無髭鬚古文金石恣探討墨瀋淋

滴襟袖塗自我歸吳羽翮倦流水登山不得見黃金臺上
忽相逢叢蓀園中邀茗戰絡緯秋殘去馬驕烏頭白盡風
蕭蕭欲著子虛無狗監廿年聲價輕鴻毛君家本住鳳城
下慷慨悲歌近已寡捧檄高堂願未酬三復南陔補小雅
迴頭入水聲嗚咽樹斷雲連又惜別春風吹面塞垣行還
期同醉關山月

和岑春江韻

竹竿往往上鮎魚客裏光陰只著書古樹煙深棲鳥倦閒
庭風細晚花舒三杯罰在聯吟後一味香生薄病餘秋色
滿前張老眼元霜新搗綠芙蓉

聞雁

一陣新寒忍不禁半天嘹唳墮鴻音他鄉兄弟同明月何

處江山入暮砧枕上喚回長短夢燈前愁絕別離心稻梁
爾亦謀無地漠漠蘆花野渚深

迴瀾井弔明侍御金鶴沖先生

飛衝鼓角陷危城痛哭全家竟舍身血漬苔痕秋井塌煙
消柳色夜鷓鳴中原沈溺由夷甫南國淒涼弔屈平四負
堂前春晝永一泓寒碧有餘清

四負堂山陰祁忠愍公赴水殉節處

柏巖山

唐柏巖禪師結庵處山南有賈島洞

恆山劈西支柏巖特奇秀閬仙昔棲隱古洞曲通透靈源
相對清一綫天光漏老樹鬱鬢鬢陰風生邂逅丁甃交鼓
鐘陡峽急懸溜禪師去已遙山鬼嘯清晝黃金鑄不成溪
雲詩意瘦嶽色淒然來雙淚滿懷袖

木蘭祠

木蘭花放勺梁春環佩空祠鎖暗塵十二年間金鼓地此
花照見女郎身

馬回臺

齊攻魯人民逃有獨婦行荒郊抱姪棄子呱呱號婦目不
顧手不招齊將問其故婦乃前致語公義私愛難昧心甯
使吾兒食豺虎齊將愧勒馬回魯人爲築數仞臺守禮之
國何有哉君不見自齊關入辟女子石窳封來名並峙一
變至魯或由此

偶成

碧雲乍合夕陽沈石徑人稀酒獨斟萬疊樓臺千樹雪一
繩寒雁沒遙岑

張沖之字道淵號退圃宛平人雍正戊申舉賢良方正

歷官河南南汝光道有素修堂詩鈔

爲農

遠戍風霜苦爲農
雨露深屋依秋樹
老門對野塘陰細雨
荷鋤去清風抱膝吟
羣游鷗與鷺相狎
兩無心

卧病

薄宦愁多病鄉心憶故居
山泉頻調水園吏例供蔬
瘦骨難扶杖荒城苦借書
有身應有患卽此悟眞如

李永標字純九漢軍旗人歷官江南廬鳳道有寄素堂

詩藁

九日有懷

踏徧風塵履已穿
登高蹤迹想當年
連朝適有黃花興
此日慚無白雪篇
萬戶荒碁秋色暮
一聲孤雁夕陽天
茱萸

分醉人惆悵牢落西風策馬還

王如玉字璞園靈石人貢生歷官貴西道追贈太僕寺

卿有嵐溪詩鈔

詩話乾隆三十七年兩金川構亂嵐溪從溫相國治餉死果木果之難詩天骨開張無寒儉氣象有論詩一篇唐以後特標昌黎劍南明七子及漁洋竹垞愚山諸公蓋其瓣香所在也

登景州塔

塔勢摩蒼穹磴道森十丈香界湧青蓮孤莖拔羣象竭來
振衣登身出飛鳥上牖戶搜玲瓏俯仰極蒼莽燕南趙北
際氣雄非一狀城郭帶煙霧鬱蔥皆北向閭闔轉句陳排
空詆蕩蕩願爲黃鵠舉超然謝塵鞅

與張雲汀論漢隸

苦縣光和不可見郭泰夏承爲魯贗隸體紛紛惑漢唐幾

人曾識廬山面翦禿兔毫狀剝蝕古拙蒼奇自驚炫盟津
谷口竹垞翁意態有餘非杜撰癡兒拾得半段槍跨上疲
驢學挑戰一字人夸過百金謬種流傳方熾扇當年宣廟
古碑存五鳳一軛枝玉片乙瑛韓勅史晨銘孔宙彪褒泉
侯羨龍拏虎攫勢蜿蜒利刃銛鋒伴戟劍其中梁鵠事宏
整體格嚴稜漢法變外此遷張仁韓固鄭峻魯榮武晚出
曹全最完善又有當塗大饗文三絕之名稱受禪兩朝碑
版照千春垂璧竟同燕石賤無人心手競追撫可惜琳琅
散雷電銀鈎金薤掩神明美女時花工婉嬾我生嗜好
金石貧若賈胡百貨衍安能盛業繼鴻都永與斯文留一

綫

題雙梧

碧梧兩株如碧玉風動廣庭秋簌簌琤然一夜打窗紗何處清商奏琴筑佳人坐樹弄冰絲涼月如鉤照畫眉深深譜出鸞凰調露白雲輕夜半時

梁允植字承篤號治湄正定人貢生歷官延平知府

桐廬道中泊舟候張東太不至

維舟芳草岸帆影亂澄江山市斜通渡巖花豔到窗狎人鷗泛泛掠水燕雙雙信宿期良友孤懷對酒缸

蒲坂早發

鴉飛城闕靜霜色曉淒其野闊煙浮遠山高日出遲依雲看古寺覓徑繞村籬東下黃河險湯湯無盡時

秋懷

搖落吾徒道日非疎情應與世相違喜看俠客芙蓉劍學

製騷人薜荔衣已分青氈甘懶慢何妨白眼看輕肥棲遲
燕市悲今昔易水蕭蕭木葉飛

馬鵬飛字樂山桐城人歷官歸德知府有玉屏山莊詩

詩話樂山為牧令有循績平生絕口不言
詩然天才清雋偶有所作皆泠泠可誦

浮山

昨夜谿邊雨今晨晝裏山白雲與紅樹三十六峯間巖壑
盡奇特煙霞相往還何時謝塵鞅清境在人寰

王時翔字皋謨號小山太倉人諸生薦授晉江知縣歷

官成都知府有小山詩鈔

詩話雍正初重守令詔中外官各舉一人小山為同
郡興化知府沈起元所薦即授晉江令政尚慈惠後
官蜀中稱循吏詩亦有和雅之音

于忠肅公墓

北狩倉皇日孫申為鄭謀變疑鸚鵡識冤起鷺鶯謳社稷
功千載湖山土一抔嗟哉徐石輩青史祇遺羞

過戴高士南枝舊寓

短簿祠前路遺民寄旅魂誰憐晞髮叟未葬白雲村

錢界字主恆號曉村嘉興人薦授醴陵知縣歷官施南

同知有知非草

詩話曉村為文端弟雍正初命諸臣各舉所知文端
內舉以曉村應詔迭宰醴陵寶雞永豐廬陵蒲圻諸
縣以廉惠稱及卒文端哭以詩有句曰那有胡
家絹惟餘范甌塵時以為得其實不負內舉也

宿此菴聞愚上人歸自廬山次日訪之遇于龍鬚山

中次壁間詩韻

一粟堪將世界藏忽從飛錫恣徜徉寒鴉向晚黏天黑破
葉隨風糝地黃來日何人同此會去年過我是重陽亦知

泛泛鷗無跡且喜相逢到上方

宿屈家渡

靈均久逐江波逝此地猶傳古渡名
眾壑分流歸一水悲笳無次逼三更
半生勞役老將至千載懷人心未平
莫問高陽舊行蹟夢中風露采芳蘅

李徵熊字渭占號栗亭德州人諸生雍正丁未舉孝廉
方正厯官定海知縣有海外吟

海船行

山如礪河如帶我朝車書大無外東漸西被朔南暨四海
茫茫與天際番國波臣羣稽顙職方年年圖王會翁洲東
南第一關汪洋波濤通萬派清晨放去流求船飛煙一道
金崎界更厯閩廣達安南揚帆西上路迢遰馬塍暹羅噶

喇吧瀰漫天風驚砰湃柔佛呂宋啞吡嗎紛紛島嶼列海
裔深目長鼻椎髻來百物羅羅憑市僧扶桑之東虞淵西
競向中華獻珍怪氍毹毳毼絨羽毛多羅鬪縷布火毳白
檀青木阿薩那鳥卵象牙間瑇瑁鸚鵡如雪或如丹孔雀
似錦鳥倒掛玻璃瓶盛紅毛酒色豔琥珀酌大貝峩舸遙
出水晶宮千尺帆檣來月竊區宇隘前朝幅幘越往代縱
橫誰知幾千程秦皇漢武徒誇大閒立海岸望晴空閩商
欣欣輸關稅

高岑字峴亭商邱人官豐城知縣有眺秋樓詩集

秋日書懷

江城木葉已翻飛深巷蕭蕭獨掩扉北雁應知書有淚西
風不管客無衣他鄉歲月秋難遣故國親朋日漸稀坐盡

殘陽燈火上滿天雲影望依依

鄧士錦字太初南城人雍正初薦舉孝廉方正官瓊州

教授有來園集

登上封寺贈住持雲庵

到此諸峯盡一峯峯上峯僧房聽落葉客夢到孤松天近
星辰大壑深煙霧封我來參叩罷正派是南宗

客黎川留別涂儒上

清絕琴尊地苔衣綠正肥纔逢三月暮又逐一帆歸入世
無知己誰人憶采薇相思今夜發紅燕故飛飛

程襄龍字夔侶號雪崖歙縣人拔貢候選教諭有澂潭

山房詩集

歲暮述哀

去年歲暮長安來，雨雪驅車恐不速。母病支牀兒入門，見兒一笑翻成哭。今年歲暮母何之，憂居慘淡可憐時。憶脫征衫如昨日，哀哉母沒倏已期。仰視茫茫心斷絕，凍結重雲白日沒。卒歲無衣那足悲，地下寒威應更烈。風號夜半庭樹摧，忍聽雛鳥嗚哽咽。臘去人間歲又新，萱花從此不回春。展轉吞聲淚潛滴，堂前老父方太息。

出門四章送伯兄之揚州

出門出門適遠方，束裝整衣上高堂。高堂卻立思彷徨，長號一聲慘斷腸。何怙何恃影倏偃，父兮母兮天茫茫。低頭躑躅不能舉，猶似堂前喚兒語。

出門出門憶前年，麻衣漬淚泣慈萱。無母之兒有父憐，吞聲再拜別膝前。丁甯羣季扶華顛，長祝老椿歲八千。痛絕

喬柯又摧折今日辭家墓門別

出門出門路千里回首白雲瀾瀾昔也陟岵復陟岵今
瞻岵岵埋霧裏隻身誰復念游子涕淚天涯瀉江水高樹
有鳥聲啾啾挾子巢棲居上頭

出門出門盛夏時山川滌滌炎風吹餘生苦由不可支骨
立遠道誰扶持四十頭顱紛白髭哀哀少弟前致辭願保
羸軀安食宿家有長子曰家督

三兄襄陽書來示近詩一册因寄

禽魚別墅堆千卷雞犬村墟合一鄉畫裏有詩詩裏畫孟
襄陽與米襄陽

雨中登太白酒樓懷古

窗橫一水虛檐敞勢壓長虹捲白波靜裏鐘聲連十寺望

中嵐氣湧層阿乾坤此地能留醉今古何人更放歌倚檻
低徊問津處蒼蒼春樹暮雲多

長女適鄭示詩三章

女生願有家嗟離亦慰喜于歸爾迨吉相望近鄰里收涕
申諭言勤恭德斯美爾雖未讀書內訓熟諸耳稟質非庸
愚夙習頗循軌膝下十九年辭親自茲始我家本素風百
事無有侈隨宜具奩箱不陋復不鄙諷誦都官詩敬聽味
其旨勸哉修婦職爾是儒家子

翁家亦舊家先澤餘詩書婚媾定一言道義爲葭莩念昔
鞠爾艱失恃孩抱初幸逢後母憐包含毛裏如冠佩視男
子拱揖何與與清姿嬌玉雪十歲始裙裾雖異姑息情珍
同掌中珠令門得所託相攸吾豈疎姑慈易爲婦和風藹

庭除爾第慎爾德宜家復何虞

壻也子之徒九歲侍函丈翼翼而油油淳質及蒙養熏陶
十年深端士早心賞命志迥不凡爲文謝浮響豈徒青雲
器卓有古賢想昔者桓少君鮑宣樂偕往所貴在同心高
風千載仰貧富雖易位斯意良可做娶婦娶和柔嫁女嫁
倜儻

二語本邵康節先生

坤道善承天諸福載應廣

登黃鶴樓歌

乘風我作汗漫游西江上溯楚江頭滕王高閣吟罷又千
里瞥見黃鶴縹緲之飛樓片帆截江入漢水漢皋投迹聊
淹留黃梅一雨遂積月空江霧塞無時收樓中仙客怪我
溷塵市胡不破浪拏扁舟朝來天宇放霽色挂席那畏衝
迅流歛然風利得仙助搖曠已自登瀛洲振衣上更上眼

底何泱泱岷峨萬里捲雪堆瀉入江濤添十丈猛疑尙有
最高層搔首神飛發幻想人間勝跡總茫茫漢陽無樹籠
青蒼芳洲亦在煙波底獨有山開大別依舊浮嵐光仙棗
樹邊一延睇卻訝枯槎有生氣何時贈我棗如瓜結伴仙
翁任遊戲似聞鐵笛引江風吹落梅花杳無際鶴來鶴去
影響樓端存當前有景須開尊且吟且眺今昔異樊山廣
宴誰復論謫仙豪上自長嘯踢翻槌碎胸次何止雲夢八
九吞悠悠塵界無李白白雲萬古招詩魂

鞠濂字溪園號蓮隱海陽人諸生官平原訓導有偶存
草

送漢源舍弟東歸

背影孤鴻不可尋西風吹汝度遙岑霜蹄白染宵征月楓

葉紅翻夕照林戍鼓乍回千里夢疎櫺寒送萬家碁故園
兄弟應相憶忽越樓頭愁正深

鄧友棠字思伯石屏人貢生官平彝訓導

游北蘭寺列嶂亭

不識白沙路其如秋思何江聲到門靜山色入杯多遠樹
高低出孤帆次第過與酣忘日暮列坐聽漁歌

吳隆隲字鄧人號退餘桐城人考授州同有拙餘軒詩

集

石鐘山

山高湖口肖鐘鳴積翠摩空削不成萬石鏗錙天籟發千
艘奔放大江橫凌雲鶴鶴渾無跡動地蛟魚亦有聲誰與
操舟徵麗註悠悠不盡古今情

閒居

中壽祇百年三萬六千日逝者已如斯因知來者疾一朝
同蟪蛄春秋更莫必親朋誰後彫屈指十去七出門寡所
歡兀爾閉虛室懷哉誦先民世殊而揆一行卽不能然心
實與之暱無始觀我生蕭然泯勞逸

王以中字愨公號時齋晚號梅岑漢軍旗人官涇州州

判有西征草

詩話時齋悅雲集二册余弟友梅得之大梁書肆是
當時鈔本未付梓者卷首有法梧門王鐵夫印章鐵
夫所選不及十一然亦不盡愨
人意其不卽付梓者蓋慎之也

西甯感舊

雁行昔日聚湟中曾論屯田倣漢功事去繁華原似夢重
來童稚半成翁沙寒戍迴千山月夜靜樓高一笛風幾度

荒園亭上望廿年前醉牡丹紅

晴後書喜

宿雨初收爽氣來起尋幽境獨徘徊鶯囀灌木客稀到花
發閒庭春自我方按君臣隨藥鼎密分哥定試茶杯故應
暫置塵紛事罵慣文移屏莫開

晚晴移詩匯卷六十九終

晚晴篋詩匯卷七十目錄

黃子雲 七首

陳梓 十一首

孫世儀 七首

姚培謙 四首

儲國鈞 六首

徐夔 四首

童鈺 六首

黃慎 三首

徐堂 四首

張念聖 二首

高鑾 六首

富甯 一首

永甯 二首

明德 一首

何貫曾 一首

額勒洪 二首

張彥琦 一首

張彥珍 一首

冒椿 一首

冒國柱 一首

謝淞洲 四首

高炳 四首

且日余言前卷十一目金

張志勤 一首

盛鈺 三首

楊磊 三首

方浩 一首

邢芝 一首

熊文泰 三首

馬一鳴 三首

馬蕃 四首

辛宜岷 三首

曹曾衍 一首

黃之芟 一首

朱綸 一首

潘曉 一首

徐天祥 一首

王盡心 一首

呂濃曾 二首

呂仰曾 一首

王豫 一首

梁濬 二首

張軾 一首

蔡維熊 二首

沈堡 二首

徐維城 二首

陳唐 三首

沈心 二首

黃遇良 一首

魏大振 二首

烏思道 一首

晚晴移詩匯卷七十

徐世昌

黃子雲字士龍號野鴻崑山人有野鴻詩彙長吟閣詩

集

詩話野鴻少有雋才會隨徐徵齋游琉球晚隱支硎山麓無子歿後曾雪舟葬之捨宅為寺蓋奇士也詩不作平庸語近體勝於古體題孟廟戰國風趨下斯文日再中二語最為時稱

舟行望南韶諸山

出關青不斷天地日偪窄連峯塞東南顯晦錯朝夕峭摩
層穹心窟壓厚坤脈壁面劈洪荒帶色向人射羲陽迴六
轡照見靈斧迹輪囷長鯨鬣嵌空老龍脊血埋霓影紅蘚
蝕銅花碧女皇補天後狼藉五色石哀壑慘光晶沆漭元
雲積乳竇濺瀑絲一滋耿幽石中峯石扇開直下雷聲割

耶非集詩話卷十一
一
枯杉皮復甦卧柏腹全坼落日風泠泠山鬼攝人魄下土
徑絕蹤邈與人境隔我行踰千里邱壑興轉劇逝將淩紫
崖逍遙鍊金液此意恐未然一身有驅迫扁舟轉瞬過回
首已夙昔

蔣子空水刀歌

金飈颯颯霜天高高堂白月明秋毫錦袖掣開寶刀露蔣
侯直立欄前操此物來自海西國影落洪波斷鼇極不知
何代降元精使我白帝生顏色迴看天地莽崢嶸晶光所
向無留行五陵俠客久錯莫牀頭夜吼聲鏗錡銅花拂拭
蒼鱗碎將軍戰血餘腥在鋒鏑摧崩鼓角前精靈蹀躞風
雷外此時起舞月光寒雪龍掉尾淩空翻泰山欲倒海水
立二十八宿皆離垣玉關殺氣連穹昊安得西走咸陽道

天生神物豈沈淪歎息風前我將老

度仙霞嶺

鳥道紆迴上猿聲縹緲聞峯盤三百級身入萬重雲天地
閩中險陰晴嶺半分出關盡蠻語端合作參軍

那壩望海

大塊更無外鴻濛混兩間龍行何處雨蜃現別洲山一氣
涵諸夏層波走百蠻茫茫萬餘里仍向此中還

孟廟

歇馬餘殘照循牆謁闕宮冠裳王者並俎豆聖人同戰國
風趨下斯文日再中低徊撫松柏惆悵仰龜蒙

題太白樓

文章睥睨世無敵湖海飄零氣轉遒六代詩壇餘此席一

江春色獨登樓爲君天特開青嶂題壁人今亦白頭猶有
浣花祠屋在懷鉛直欲錦城游

白桐廬次富春江口

連山塞東南兩岸夾日月冥冥含元精木石皆奇倔標摧
棲鶻巢湍迸潛蚪窟鸞還七里瀧艱險逾溟渤卓哉羊裘
翁千春炳高節江聲暮不死岸容春更活悠悠六合中吾
道照巖穴

陳梓字俯恭又字古銘號一齋餘姚人雍正甲辰舉孝

廉方正不就有刪後詩存

詩話俯恭工書善詩詞鄉居
臨山讀書事親以布衣終

次蔣檐斯韻寄白下沈景范

東風已送梅花去羌笛何勞向天訴山陽有客逐江雲詩

瓢卻傍金陵住金陵酒賤愁易消春深不作懷春句莫愁
湖上聽吳歌月子灣灣掛楊樹有情那得不思家登樓應
誦歸田賦三月楊花撲地飛馬頭認取來時路吳蠶上箔
麥登場待爾田家醉眠處

次雪漁雪春塢看李花韻

山人前身李謫仙珊珊雜佩來塵寰幻形化作千樹白皎
皎玉立春風前此中佳境天所造不數良嶽兼平泉當晝
清絕夜更縞淡煙幾縷月半環此時倚杖一憑眺雲生兩
腋風泠然誰歟題作雪春塢聞名悔不窮幽妍謝侯清賞
得佳句倏忽光彩生毫端挑鐙擁鼻細吟諷浩蕩未易搜
岷源媿我飢驅髮空槁畢生露處無片塵徒從畫史借茅
屋卧游坐遣消殘年如今努力強好事急須售取老硯田

聯珠新詩歸卷十七
三
振衣來此同蹠躔傍花自結矮亭子晴雪滿山春四邊浮
生何必蓬壺巔三杯霑醉舞僊僊九區一任塵飛翻安能
到我雙眼間

訪遯野老梅

霽旭破薄霧短棹緣疎林十里冰膠舟泊岸聞青禽老梅
我素交隔歲重追尋白朽龍蛻骨黃凋蟻攢心屹屹冰雪
軀南渡沿至今可憐七載間酸風伴清吟率爾舍君去回
首煙霞深東家酒新篘慙留向我斟繞樹一徘徊自傷雪
鬢侵欲別聊折枝古香逗衣襟

留別雪漁

秧畦水淺飛雙鷺蘭槳去經桃葉渡回頭悵別四門雲煙
樹蒼蒼雨聲暮吾生偃蹇孤生松一子不結干針空此行

蹶躓迷所向終藉高人方竹杖杖頭錢盡酒堪賒稽首家
祠陳灌邕來春老竹龍生孫海門雞唱扶桑暎照我雪軒
梅屋下重臺花發顏如赭石筍闌干平繫馬從子高吟酌
三雅

一壺酒歌和周紀善是修韻首句仍原詩

一壺之酒三四客滿醖空清十月白人生知足隨處可愛
此當窗新竹色古往今來誰短長榮枯得失甯有常起望
前村數株樹片帆迢迢隔南浦盡是征人離別路吳趨越
絕總流寓畢竟家鄉在何處酒雖少君莫悲詩雖多奚以
爲尊前有榻卽高眠杜鵑休勸不如歸

寄高村張遜菴

九間茅屋占高村十里溪雲水到門晴雨機關漁父熟桑

麻經濟老農尊竹窗綠照蟾蜍硯花徑紅開鸚鵡樽幽興
尋常休浪擲風塵京洛馬頭昏

汪津夫過宿次早卽別卻寄

不見山翁五載餘自憐故態尙狂奴三杯大笑出門去袖
有井田封建圖

周平王廟

不信東遷百戰餘峩然廟貌託精廬破除文武千年業成
就春秋一部書豈有小弁傷嫡庶空聞揚水怨兵車至今
瀕海遺民淚禾黍離離灑故墟

夏蓋湖

當年停蓋此婆娑障海孤峯翠結螺南朔東西波浪急辛
壬癸甲別離多石根隱聚黿鼉窟松頂高穿日月梭萬國

衣冠渺何處滿湖煙雨一漁蓑

留別敬修

忽忽歲云暮迢迢夢欲歸詩囊載山色城柝遲朝暉雪凜重雲黯江空一雁飛遺書封寄處老淚滿征衣

鐙下

積陰鐙下焰獨坐冷添衣江闊書難度峯高夢不歸耳聽寒食近髮爲故園稀莫是愁城惱多緣酒力微

孫世儀字虞朝號漁曹江南通州人監生門人私謚文

靖先生有文靖先生詩鈔

詩話虞朝自雍正己酉至乾隆壬午十應鄉試不第務爲傳世之學立品高峻謝絕禮羅詩芳菲晶潔其營巢燕鳥哺行讀之使人孝弟之心油然而生老農歎勘災行伍伯擊柝諸篇則香山樂府之遺也

對月東峻生

月色自太古流光照人懷懷人耿不寐古情正無涯古懷
不可道只道今人好空見月華團袞袞催人老青霄銀漢
兩微茫悵望高秋夜氣蒼閒庭似雪共誰語對此躊躇秋
恨長君家近卜城南住青山抱郭家邊路支筇帶月叩遙
天指顧晴嵐隔煙樹可憐枯坐閉衡門蘿徑陰森翠可捫
姮娥直弄金墓過碧海青天掩涕痕涕痕滿把秋懷苦清
光一片無今古照徹人閒闕陷天媧皇石爛憑誰補殘年
卧月杜陵人期子短衣看射虎

落花

獨立渾無語閒門剩薜蘿偶隨流水去不奈曉風何老至
情難減人生恨轉多誰憐當此際歲歲感蹉跎

烏哺行

老鳥哺雛兒不自知苦辛烏兒哺母鳥不自言報恩親恩
親恩何可報人間爭說烏兒孝烏兒之孝孝本天不讀人
間教孝篇不見鳥慈勤抱卵兒乎盍學烏兒賢老鳥翅秃
坐得食彷彿當年哺母日

後烏哺行

烏兒啞啞凌風起老鳥兀坐中心喜烏兒僕僕銜食歸老
烏啞食心竊悲朝銜不遲暮銜速兒兮羽翮嗟初足莫向
公家竊稻脂野田差遠虞羅酷享爾成勞繫我心何當自
啄春蕪綠嗟乎烏兒哺莫止老鳥憐兒類若此看取來年
兒有子

小寒食夜夢峻生時方客雒城

無言應是獨登樓渺渺鄉思苦未休憎命文章千古淚帶

人花鳥一春愁
燈昏斷漏來清夢
月落文梁影白頭
乍可佳辰憐百五
詩魂猶戀舊同游

齋中獨坐

雨暗墓衣長風微
豹腳侵開軒無曠望
閉戶有沈吟兀兀
窺天地悠悠送古今
素琴塵滿囊拂拭向雲岑

雨夕懷煒文途中

難禁雪髮變千莖
屈指無言數去程
舊日江山都入夢
新來風雨獨關情
漁村疏柳真州路
古寺殘鐘白下城
喜汝能游憐汝別老懷
顛倒一時生

姚培謙字平山
江南華亭人
諸生雍正中舉
人才不赴
有松桂讀書堂集

陸丈畫山水歌

丈人昂藏江海客掉首侯門人不識
萬里行滕二十年湖山特地開
顏色興來跌宕若有神素箋丈二爲我擘
疊嶂晴開萬古雲懸流直下三千尺
若有人兮台蕩間欲往從之動心魄
自言攻此頗苦辛畫手悠悠焉足論
世間萬境貴親歷蛟宮虎窟常逡巡
憶昔杖策匡廬雲裏糧十日隨麕麇
時凌天風攀絕磴返顧不殊猿獠形
雁門關外霜飛後馬毛如猬驟如豆
甌脫行行不計程山川遼落空搔首
從此經營入杳茫揮毫落紙無不有
直把乾坤粉本看北苑南宮祇我友
絕技從來知者希鬼神亦忌通靈手
再經婚娶總無家三走京華猶未偶
君不見昔人好龍偏好畫今人好畫
猶好龍百金爭買贗揭卷牙籤玉軸
徒璣瓏王宰石韋偃松從來能事羞
雷同我知丈人非畫工嗚呼丈

人豈畫工

唐氏宅觀牡丹

槐陰寂寂柳綿舞我來看花不問主主人不拒客無言徑
坐花間日正午萬鬚千萼自低昂老屋數間成錦塢怒苞
盡決豔陽天一片欲飛笑齒齟齬東軒老藤百年物蛟蟠斗
拱飄纓組紫幔高張塵不到似爲美人設瓊宇自昔名花
海上多十室有花居四五卽今異種悲零落幾叢深色干
金估頗聞近有易主花主人別花辭以窠此花泣謝主人
去羣花傷心不復吐花乎花乎爾有神不須綺席與錦茵
但願年年常此一相見春雨春晴豈足論

苦雨

皇天一雨連五月水雲沈沈日車沒中庭羣蛙聲嘈嘈鄰

樹飢烏愁兀兀腐儒環堵眞蕭然乞米難仗顏公箋調和
陰陽大臣責鯁生底事常憂煎

去年蟲荒益無粟今年種圃食無菑老農告訴不忍聞悍
吏追呼方陸續愁來短歌不能長殘書支枕午夢涼慶雲
景星照戶牖天下髣髴如虞唐

儲國鈞字長源號石亭宜興人有抱碧齋集

詩話石亭詩在諸儲中最爲秀出而落拓不遇以布
衣終所傳佳句五言如多情寒夜燭有味去年書雪
晴春有態山活翠難名七言如春衣乍
暝飛蝴蝶綠酒初香薦蛤蜊風味皆足

高座寺

四百南朝寺猶餘高座名杪羅花落處滿院碧苔生石徑
分茶社雲峯闕磬聲上方無客到趺坐豁羈情

絕句

好書堆案經時合塵事關心逐日多轉憶阻風情味好一
川煙雨看漁蓑

懷任澹存園居

浮雲結曾陰天色慘將夕城中轉蕭條何況園居客柴門
閉荒煙蘿徑斷行迹四山晚逾翠一水寒自碧飢禽將子
鳴落葉和苔積應遲子猷棹未蠟阮生屐何時就君宿把
酒話疇昔

雨後板橋游眺

小雨滌殘暑新涼水上生帆飛嵐翠動燕掠水風輕津市
分斜照人家共晚晴淹留戀清景雙眼一時明

瓜洲渡江至銀山寺訪程魚門

輟棹銀山麓披襟青豆房故人同一飯情話易斜陽木葉

先秋脫江雲雜雨涼泠泠上方磬相送出松篁

鄰園

鄰園只在短垣西灌木陰陰入望迷冒雨紫藤連夜發過
春黃鳥盡情嘯已看竹嶼通茶肆多恐花腔變菜畦滿眼
風光應解惜玉壺盛酒幾人攜

徐夔字龍友長洲人諸生有西堂集凌雪軒詩鈔

詩話龍友曾註義山詩及漁洋精華錄早與歸愚結
社唱和詩派相近歸愚頗推挹之大篇力求排纂未
脫凡近今體
差勝古體

蔡將軍歌將軍諱人龍吳縣人明天啟壬戌武進士
授潯州守備平徭力戰死子至中卒死士

入賊巢獲父屍執劇賊歸徭人
散走潯州平詔贈游擊將軍

潯江萬里山門戶爭一峽賊兵巢其中出沒猿猱捷將軍
慷慨真人雄南入百粵西擒戎有子驍勇如奉叔前身應

是周盤龍均房山斷無鉤梯三軍前行路欲迷大星昨夜
隕如火黃雲闇天爲低豺狼轉多路轉惡將軍勇氣十
倍作左右盤空搗寶刀頭顱滿地馳風颺深林密箐伐鼓
急戰馬悲鳴軍吏泣仰天拔劍振臂呼血濺蒼穹據鞍立
長君年少忠勇俱義激諸軍馳百夫背負髑髏血模糊深
入賊巢執其俘咸陽一炬狐兔盡大藤險惡今坦途男兒
要自獲死所慘澹陰風足千古卞壺握爪誰其儔温序銜
鬚此可數軍前將士手口瘖隴上歌成血淚枯矢窮兵盡
無時無如公父子真丈夫嗚呼如公父子真丈夫

登北極閣

傑閣高空近玉京憑欄一望起秋聲龍蟠虎踞興王地白
石清江過客情豈有占星周内史更無綿繆魯諸生由來

陵谷隨時異滿目寒雲下古城

江東

青蓋曾傳入洛陽石文天册更荒唐金椎有日沈江底木
柿何年下建康已見樓船來蜀國豈容帝座設南方江東
世業飄零盡愁殺平原著辨亡

夜泊光福塘

風高塔鈴語知是龜山陽人煙出古木疏火明寒塘孤艇
傍山足漸聞梅花香未入香雪海早已清肺腸起坐虎山
橋江月留清光

童鈺字二樹號璞巖又號借菴浙江山陰人

袁子才曰二樹炯介篤誠潛心古初棄舉業專攻詩
家鄰女史徐昭華七歲時徐抱置膝上為梳髻課詩
及長與劉鳴玉陳芝圖號越中三子畫蘭竹水石皆
工而尤長於梅使氣入墨奇風怒雲奔赴毫端法

梧門曰凡題畫詩必詩優於畫則畫纔能生色若詩不工畫反為所污二樹善畫梅畫成輒題一詩故有萬樹梅花萬首詩之句可稱二絕

詩話二樹山人詩橐雪香齋餘橐詩略秋蟲吟諸集皆未見上虞陳少亭愛二樹五言為摘句圖如早煙山際重春霧水邊多暗流鳴斷壑山影臥空田落花隨棹轉隔樹看山移觀潮云一氣自開闢眾星相動搖七言如秋聲如雨不知處月落帶霜還照人梅風落紙畫猶溼松雪撲絃琴一鳴客感每從孤館集老懷常覺暮秋多詩才清拔在畫人中足名一家

茅屋

茅屋綴荒苔經年未翦葺多謝連日陰添我好春色漏痕縱復橫晨光翠猶滴蚯蚓入我牀蜻蛉吟我室人言陋不堪我自適我適不見土窟人陶陶樂終夕

將有遠行由耶溪至西興

辛苦門前水年年載客西青山一相送烏鳥幾回嗁歸計

知難準鄉音聽漸迷來宵如有夢應戀若耶溪

得舍弟書

囊空休問買山貲老屋三間尙可支此去但憑鷗作社日
歸且指雁爲期叢叢蘭菊隨鄰乞本本溪山入畫移縛把
黃茅聊補隙打頭風月總相宜

秋晚由沛至豐車中書所見時經和菴家不得過訪

悵然憶之

沿堤路白映明沙拂面風輕碾犢車秋樹夕陽鴉作葉白
牆寒雨土成花非關北郭長耽隱卻爲南村又徙家忽憶
故人雞黍地不禁涼思滿蒹葭

自題畫冊

縛竹編橋自一村幾間茅屋浸雲根此中便與塵凡隔只

許荷花開到門

畫梅

十丈炎威十丈塵豪端猶見雪精神莫嫌拂袖多寒氣我
是人間避熱人

黃慎字公懋又字恭壽號瘦瓢山人甯化人有蛟湖詩

鈔

詩話瘦瓢鬻畫養親山水出入仲圭子久間恆出新
意自拔於前人畦徑之外亦善寫生詩倔強有風致
冒雪買舟歸里

建春門外望又喚木蘭船擔帶城中雪帆寒江上煙恥爲
彈鋏客安得買山錢可歎東流水茫茫似去年

送瑞金楊季重

送君此去五羊城看到梅花歲又更芳草趙陀臺上色鷗

鵠韓愈廟前聲味知馬甲無多美瘴避枕椰憶遠征執手
東南歧路異海天風雨獨關情

題畫

籃內河魚換酒錢蘆花被裏醉孤眠每逢風雨不歸去紅
蓼灘頭泊釣船

徐堂字紀南號秋竹仁和人
有藉谿古堂詩

詩話自竹垞以還多喜敦韓孟作長篇聯句諸集往
往互收秋竹有與吳西林賦纒絲聯句百韻檢臨江
鄉人集未載其詩縷詳鄉故體物瀏亮非
文讌會合汎言景色者比錄之以備一格

河渚雨中探梅

草堂信宿緣清夢落煙渚野情類鷗鳧水面樂容與鼻觀
參幽香積雪紛萬樹東風展重陰吹來山外雨花光溼欲
低水影亂柔艣恂恍莫可狀雲煙相媚嫵寄語後游人斯

景已占取

南山亭秋望同讓山上人

危亭如翼俯山南石磴雲根宿雨含秋樹參覃新脫翠水
煙空闊遠浮藍吟邊不少閑仙共佳處還支瘦竹探半嶺
松風聞梵放深宵思與佛同龕

孫氏草堂望瑞石山

樹蔭疏窗水滿池好山當面足棲遲一軒涼意翠欲滴咫
尺煙光畫不疑露髻笑憑雲隱見仙源只隔屋參差移家
擬向南頭住早晚紅藤得共支

繅絲聯句

繭收欲成絲吳頴先蠶善其制體物在一時堂妙用利萬
世搏泥具炷竈芳頴結繩運輪喜候合冷熱調堂事配水火

濟平架穩崇卑芳穎添梯卓軒揭自近而遠達堂由深迺高

躋磨棱天右旋芳穎板舌足單踉飄忽蓬轉科堂搖兀舟鼓

柅響旋戛戛鳴芳穎穿穴軋軋拽鉤鉤缺月擺堂游衡輕儵

逝抽微纜辨倪芳穎酌暇卽為繼并眾逗纖纖堂棄餘摻滄

溘凌虛去抱實芳穎總挈了孤提蓮莖折吐緒堂蔓鬣昂招

颺動生斷續風芳穎寬起迭宕勢合羣拔類萃堂就溼取婁

曳溶壑赴修蛇芳穎狂颺走神蜈魚頭戢香涌堂蛛尻渺芒

系釜蒸饋餽騰芳穎樞幹優亞細霏雨噀從霏堂歎煙鬱偏

墮藁席障炎威芳穎葦簾隔階砌餅罍貯新泉堂薪樵充乾

緜攙涼抑沸騰芳穎換泊泛清冽涉濡絕易黏堂投輕過何

滯片翹蝶翅霄芳穎獨縋蜺首縊駢鞞似脫枕堂隻翻不離

蒂潤紐恣循環芳穎膏轄滑關振技熟忘探湯堂時迫忍雪

涕馳心審疾衡芳穎著意整急盪稍稍蝥網張堂久久縞帶

厲閃爍銀飛光芳穎晶瑩雪開霽經天互河漢堂飲澗沒虹

霓纏綿卯至酉芳穎佐助姒與娣萬周蟠有餘堂雙起紹無

替誰教熱腸榮芳穎竟入牽絲例艱難愁紛更堂治亂費調

劑兩臂異勞逸芳穎五拇竭勤勤動甯計及休堂即則不遑

離非登武數舉芳穎莫企睫恆睽嫌煩耳鈍聞堂蓮棘齒捷

噬旁觀若從容芳穎當任失次第授法本威姑堂擅場推老

媿拾墮煩小鬟芳穎出楔呼阿壻中堂設權衡堂橫檻插桃

芴帖圖神蒙禎芳穎張篆鬼避睨諱犯音傳譌堂忌生戶仍

閉添柴示添財芳穎爾卜信爾筮釜鳴增銖兩堂輻爆防裂

蹶長陌許社公芳穎寸履祝園締消磨玉顆殘堂戰顛珠團

懸拉零近厠隊芳穎望一速取摺漸呈旁薄裸堂頓覺混沌

弊子營掩緲忽芳穎同功撇伉儷綢繆自欠堅堂柔弱分遭

掣浮沈鼎鑊歸芳穎潔白冰霜勵投沸粹就僵堂褌衣薄留

蔽自裹煎熬生芳穎可貨性命係藏身匪不固堂為法終自

敝休羨化蟲枯芳穎卻勝匏瓜繫辜殊蟣蝨弔堂奪等蜂蜜

刳雖愛皎皎素芳穎堪悼娟娟殪墨翟縱未悲堂牟尼向先

誓遷延永方間芳穎堆積罄斯爽過繩詎宜縑堂太緬曷成

縉粗纒貶末級芳穎全純博上幣繆繆皓已昭堂納納徐而

斐還期風上竿芳穎但埃晴入医縹知良工良堂精絕慧者

慧任重積麻苧芳穎功深紉氎毳鮫島綃安需堂仙襄雲不

啻已辨經綸資芳穎將為黼黻計覩茲妙安排堂欽彼古聖

睿志乘述螺祖芳穎冠裳紀黃帝園客訝若為堂苑廡用何

帛繹冰理難稽芳穎緝藕說徒泥夏典傳屨絲堂周儀載書

契袞冕泊琴瑟

芳穎

蒸嘗逮郊禘獻繭宮視朝

堂

稱絲位設

祭三盆親正后

芳穎

五申戒羣媿夷由橋摻手

堂

歷鹿掉玉

軟側向偏驪肩

芳穎

隅坐邪據鐔華裙動密襴

堂

窄袖揚短

袂拳曲跳脫腕

芳穎

振迅倭髻髻鸞靴蹈平帖

堂

鳳盼凝審

諦輕汗霑紅羅

芳穎

微喘吐香蕙卽今僻郊墟

堂

尙勤貧女

隸絲挑竹裏簷

芳穎

車接田邊啜比鄰聲互聞

堂

荒村響遙

遞啾嘈絡緯喧

芳穎

錯落蝸蟻嘒于時節序交

堂

接候春夏

際黃雲麥已秋

芳穎

碧毳稻將藝劒刃長菖蒲

堂

纓絡挂薜

荔榴殷琴軫排

芳穎

梅稚彈丸脆壁多竹箔閑

堂

屋少桑陰

衛孰諳胼胝苦

芳穎

徒賞錦繡製毛詩詠紵絨

堂

吳地傳苗

裔淮海文頗詳

芳穎

拾遺句多麗幸值温暖天

堂

共洽豐稔

歲家儲富筐篚

芳穎

賈用廣積滯不畏吏打門

堂

縣符催井

稅芳穎

張念聖安平人諸生

同楊計公謁刁蒙吉先生

三年曾有約今歲始能復攜我同心人登龍展私淑入門
炙道兒閒庭一何肅先生抱道深元氣如可掬正議迴狂
瀾恥與時賢逐聖也驚而任意行無邊幅三日坐春風句
萌學草木洗耳聆鐸音談經繼白鹿

和梁玉立大司馬秋懷

蕭瑟復蕭瑟天如示我愁傷心聊對酒善病况逢秋榮落
花經眼因循雪近頭清暉昨日滿今夜又如鉤

高鑾字遠亭南皮人有遠亭詩鈔

散步

散步出郊坰晴光徧野汀柳連隄草綠山逼海天青日落
漁歌起潮生水氣腥欲沽江岸酒蠻語不堪聽

中宿峽

短艇驚濤裏陰森愴客魂懸崖疑欲墜逆溜勢如奔峽暝
天無色雲深日易昏從來多險地何止說龍門

陪禊亭夫子登鎮海樓卽事次支亭韻

黯黯離愁已數秋相逢嶺表復陪游時當美景思豪飲人
在他鄉愛倚樓海燕來時天正好沙鷗飛處雨初收黃橙
紫蟹聊堪醉作賦應題最上頭

送貢三弟北還

草綠珠江上青青柳萬枝那堪愁病日又值別離時雨氣
生遙浦花香入酒卮贈君乏長物珍重數篇詩

夜起

客榻生寒夢屢驚披衣起坐度殘更朦朦星月僧窗下聽
盡天街走馬聲

河間晚宿

客子停車已二更照愁孤月迴臨城漫言此夜淒情甚纔
是離家第一程

富甯字東溪滿洲旗人有東溪先生詩

夢

短夢無倫次更長幾度生覺來成閱歷記去偶分明自審
何時是人言此日情破愁兼斷酒心地或澄清

永甯字東村滿洲旗人有東村先生詩

詩話東村喜爲詩與李鐵君陳石閻世稱遼東三布
衣晚年盡舉所作焚之故傳世者少所見者附寄間

堂集

後
移居盤山

卜宅依山麓從容亦苟完編籬三徑曲鑿牖一天寬鼓腹
煨鴟芋章身製鷓冠舉家清且健隨在可盤桓
安卧慚高士恆飢泣小兒牽衣嘆宴起索食問朝炊語澁
翻成笑情閒且賦詩南山一頃豆悔不及耕時

明德字顯菴滿洲旗人有寄閒堂詩集

詩話顯菴幼多疾病艱於誦讀年十八始就傳
三十歲見劍南詩心好之刻意摹仿差得貌似

病中懷常月上人

路隔城南煙樹蒼滿天風雪隱斜陽年衰自歎匏長繫病
久翻疑藥不長安得逢人忘我相每因看月覺雲忙虎溪
別後東林遠清夢時教到上方

何貫曾字行之漢軍旗人有楞香詩草

晚出西郭口號

風塵冉冉策青驪
草際涼風感鬢絲
綠水數灣通獬豸
碧城一帶守熊羆
傍河野艇分沙嘴
落日寒蟬抱柳枝
司馬賦成尊酒盡
凌雲縹渺是何時

額勒洪字坦菴滿洲旗人有綠雪書屋詩草

九日重過八寶山感舊

昔年紅葉裏扶病
放歌迴今日黃花下
支筇載酒來詩仍
留敗壁人已去
丹臺惆悵疏林晚
秋空一雁哀

登萬壽閣望華岳

華岳臨高閣
凭欄翠靄重
千峯團落雁
一瀑鎖蒼龍
隱約希夷峽
有無毛女松
未能登絕頂
惆悵此游蹤

張彥琦字次韓銅山人雍正初舉孝廉方正有鷗閒舫
草

五里關

路隨流水自東西亂踏寒沙入翠微回首已登人境外天
風蕭瑟薄征衣

張彥珍字席文一字蒼崖銅山人諸生有樹滋堂詩集

游雲龍山

鶴去亭空在何人賦小山斷碑秋蘚沒古寺亂峯環樵唱
穿雲過漁燈背月還蕭蕭木葉下身坐畫圖間

冒椿字大椿號春園如皋人諸生有還樸齋遺藁

甘露寺

古寺危城外高岡大海濱塔攢千疊翠樓納一江春鐘磬

聲猶昔孫劉跡已陳廢興懷往事閒話共樵人

冒國柱字帝臣號芥巖如皋人諸生有萬卷樓詩存
客歸

柴門侵曉噪林鴉行李蕭蕭正到家嬌女不知鬚鬢改誤
將衫袖拂霜華

謝淞洲字滄湄長洲人

詩話滄湄善畫精於鑒別雍正間曾以畫供
奉內廷沈歸愚稱其詩有天趣不加鏤琢

支公禪院

鳥道泐鳴雷古寺轉高木白雲淡無人清風在修竹愛此
山翠光欲滴幽人屋野客聞鶴鳴山僧報茶熟願逐支公
侶常傍泉聲宿

田家雜興

明州雜言匯卷十一
深村犬吠曙色行者稀歸人自城市負荷返柴扉耒耜
頗整理蓑笠亦庶幾朝來撥春隴泉脈流微微菖蒲亦已
生屋角梨花飛物候有如此東作慎無違
曉色起隴畝荷耜還西林悠悠清溪水自識沮溺心林際
半新月村靜聞遠音何人柴門下慷慨隆中吟未知千載
事好風開我襟忽持一尊酒蒼然白雲深

過惠山寺

路轉弓河三里賒好風猶趁半帆斜鶯聲滿店二泉酒春
雨維舟一樹花白髮來游嗟已晚青山如畫欲移家幾時
來傍禪燈宿惠麓雲中汲井華

高炳字澣文號古愚金壇人諸生有古愚詩集

詩話古愚以制義名詩有奇
氣歸愚稱爲徐文長之亞

天生橋

兩崖臨絕澗微徑垂一縷中間橫巨石足可容百堵鑿空
非人力枝撐自太古奔泉噴雪下轟若雷霆怒長天慘白
日六月失炎暑平生輕波濤三峽未足數中流揮羽扇嘯
詠狎飛艖迨茲翻凜然頓覺毛髮豎勇怯亦何常擇地自
可賈因思昆陽捷千載稱光武卻笑李將軍徒誇射猛虎

巴河登覽

綠雲去已緬憩石復孤往忽逢坡路轉始見墟煙上一犬
吠花陰數翁灌蔬壤問途俱未答松下自偃仰落日離
思飛泉送秋響踟躕西澗斷隔水聽歸槩

維揚送汪東在之漢上

海門回首白雲封飄瞥煙巒幾萬重山到小孤都劃斷江

地明經言圖卷七十
當大別更相逢珠宮北上傾三島銅鼓南來震九峯卻笑
乘槎推博望祇攜身毒一枝筇

望廬山

廬山出青天眾山揖平地風吹香鑪煙散作九江翠我行
到江口遙指山外湖江水忽如綫青天半日無飛帆掣流
流不極千里猶將見山色此中宜有謫仙人欲往從之不
可得

張志勤字克遜銅山人諸生有青照軒詩草

七月之望游皇藏峪露坐林間

昔年曾過此蹊徑尙依然久住應忘世重來別見天卧游
思枕簟洗耳愛山泉夜月涼如水清光獨自閒

盛鈺字伯堅一字璞完吳縣人諸生有璞完詩草

詩話璞完與其弟青曠閉戶讀書爲詩取格澹遠間
摹義山亦復神肖詠楊花詩倚舷苦吟至咯血弗輟
其慘淡刻厲可知周逋梅比部輯
其遺詩不及四十首皆卓犖可傳

雪夜留巨上人宿時甫里李允恭亦在草堂分賦得

春字

巖風動林外微雪灑溪濱
值此清夜永幸與羣賢親
焚香留釋子開尊洽故人
飢鳥度殘臘凍梅含早春
破扉寒更掩鎧光淡如銀
幽寂同所歸忽忽忘世塵

楊花

清明纔過翠眉低
竟日悠揚路不迷
舞蝶偶同游綺陌
飛花常伴葬香泥
風迴水檻飄難定
雨壓山橋落更齊
羌篴倦吹春已老
離人愁聽子規啼

陶令門前寄此生
亂飄時節任縱橫
略經微雨全無影
纔

著春波便定情遠岸草青同漠漠隔林花豔自盈盈陽關
唱罷憑誰引好倩東風到渭城

楊磊字石漁丹徒人有家事集

抵京口

欲去難言去來歸未得歸暫停江上棹一采故山薇霜露
高堂冷松楸墓木非臨行歎游子夢裏想春暉

春游口號

支硎山頭雲欲平桃花李花相間明放舟出郭本無意帶
雨看山亦有情

千疊遠山春未足一隄新柳綠含煙漁歌隱約滄浪裏轉
過桃花不見船

方浩字文濤休甯人有恭壽堂僅存橐

依韻和朱性之憶南山亭舊游

捫葛清游日聯吟暫喜同山亭雲護白楓徑屐黏紅度澗
微泉響窺巖暗穴通聽鐘思往事林壑幾秋風

邢芝字蘭畹當塗人有白湖漁唱

題花山玉泉寺

山罅偏宜古刹填重陰堂翳日行天路從白鶴巢邊下徑
傍蒼葵吠處穿百折泉來經閣後一泓池闢寺門前亂雲
每向高崖合不放鐘聲出樹巔

熊文泰字退中潛山人有四十賢人集

詩話退中詩取唐人劉得仁所云五律詩如四十賢
人中雜一屠沽不得以名其集詩專學唐無一句雜
宋人語僅存五律一種他體皆散亡其子象垣記其
佚句多可誦者如五絕自君之出矣云自君之出矣
清江探白蓮思君如水月蕩漾不成圓七絕望夫曲
云濩落天涯秋復秋征夫念妾豈遲留無端江上風

波惡莫爲思歸不住舟落花云一雙紫燕呢喃久街
得殘香樹頂飛又不是五更風雨惡池塘爭得綠成
陰七律秋興云四壁吟蟲知夜靜一聲征雁覺天高
永慶寺云霽雪未消天闕迴晨鐘初動地樓空詠漢
高祖云深山蹤跡雲常在原
廟衣冠月出游皆警句也

月

雲盡野煙滅青空懸玉盤影涵千丈靜光入五湖寬遠棹
漁鐙澹高枝烏夢寒夜深秋更好我與月同看

焦山

江到海門盡樵巖江上浮蒼松包古寺清磬響中流星月
雙峯冷煙波四面秋凌晨望初日更上最高樓

游山谷寺

誌公停錫處縱屐徧攀尋白鶴有禪意蒼松無雜音泉流
山腹暗雲影井中深閒憩石牛洞泠泠彈素琴

馬一鳴字鶴皋桐城人貢生有北軒詩存

天門

金陵形勝地端賴此天門山勢排雲表江流動石根就崖
因作寺分水自成村來往風帆泊年年覓舊痕

湖州東郊晚眺

菰城宛在水中央四面風煙淡夕陽軋軋幾家當戶織盈
盈十畝拂谿桑名高祠尙傳蘇子事往人猶說項王底事
峯巒看不厭白雲深處似吾鄉

舟夜

客枕寒難寐愁來可奈何全家隔雲樹竟日泛煙波人面
霜風改江頭雪浪多擁衾閒得句聊爾自吟哦

馬蕃字少康桐城人有寒松館詩存

過三靜庵

窮山別有徑開鑿自何年四面松雲嶺一村煙水田品茶
嘗穀雨烹筍挹谿泉到處苔茵綠趺跏聽杜鵑

暮歸

山雲沈晚照半醉別田家度嶺逢微雨沿谿落野花鳥聲
林際噪煙影屋邊斜漸有豐年望新秧處處蛙

除夕前一日竹葉亭探梅

抽身來勝地索笑得閒行歲晚日無幾花遲風有情深杯
宜臘醞小雨送春聲未識西莊意猶依五鳳城

懷家兄伯逢

殘夢初回後孤鐙未盡時斯人不可見中夜起相思落木
秋云暮寒風客自知離情誰共語寂寞獨吟詩

辛宜岷字江峯安邱人諸生有停雲山人詩集

詩話江峯父避家難出游不返行求數十年北走遼
薊南浮江淮零丁涕泣終不得其蹤跡客揚州從盧
雅雨都轉游至京師為蔣文恪題春椽圖甚賞之欲
致之幕下以出塞尋親辭濰縣韓理堂贈詩有云餘
生狎虎豹雪涕徧
關山正此時也

白遼東回過鼉磯島

玲瓏巖上石幽隱島中村雲起常遮屋潮來直到門涼蟬
愕新響野寺飽餘飧回首遼天杳衣沾血淚痕

蠶豎

貧豎牽微利身傭萬綠間移蠶晨翦葉守繭夜號山風雨
甯辭倦飢寒不自閒辛勤兩月後分箔始開顏

廣陵送客

蒲帆柔艣送君歸十月江南寒尙微最是臨風一杯酒游

人北去雁南飛

曹曾衍字士行安邱人諸生

詩話士行珂雪諸孫能詩有句云野鳥有情
嘯晚樹亂雲無礙出秋山獨有晚唐佳境

過太公堂山麓

衰草叢叢襯馬蹏崎嶇一徑接寒溪秋從黃葉聲中老天
向浮雲盡處低野水波明閒浴鷺荒村日午靜聞雞行人
指點非熊廟紅樹蒼山烏鳥嘯
黃之芟字朋采鄆城人諸生

題郭南浦田舍

幽人高卧穩長日掩荆扉一徑開空闊全家住翠微鬚眉
秋色老禾黍晚香肥爲我藏尊酒還來對夕暉
朱榆字岑來又字青岑錢塘人有青岑遺橐

夜坐有感寄排山大兄

思君晨夕渾難釋夢裏歡娛覺後空獨飲小窗燈燼後不
眠終夜雨聲中青炊雲壑堂前豆碧洗柑園閣下桐少壯
依依形與影殘生迴首樂何窮

潘曉字白東黔西人諸生有斷續亭詩稿

秋日偶成

秋色清無際山中引興深綠苔侵古徑紅葉落疎林有造
得幽境忘機生道心天游還共適野老暇追尋

徐天祥字梅鄰安邱人

詩話梅鄰以刻石爲業而
好吟詠亦王清臣之流也

石橋村訪王書存玉斧兄弟

細雨微颺沙路涼伊人秋水宛中央清溪帶樹圍茅屋野

徑披雲到草堂苔靜每憐花自落客來恰喜酒初嘗人間
別有烏衣巷風景依然太古鄉

王盡心字復初號靜巖西華人諸生

詩話靜巖貧好學手周易且耕且讀人笑之弗顧也
親沒不欲離閭墓家居授弟子經口講指畫親切動
人嘗講父母在不遠游備
僕有親在聞之為失聲

聶王墓

墓門盡日鎖煙蘿三尺殘碑字半磨帝子不來雲欲暝古

槐風裏亂蟬多

呂灋曾字宗則河南新安人有力園詩草

詠懷

南山有文豹霖雨不下來天馬體容與而終不自謀女貞
慕松柏迺與歲寒期高樓齊浮雲上有女傷悲過時詎不

字淇梁非所宜

梁鴻草野人枯隱亦爲拙韓信一匹夫富貴念何熱南陽
有高士可以稱人傑自比於管樂實伊呂之埒少小慕文
儒劍術破其迂敢希成功後辭爵返田廬

呂仰曾字宗企號向山河南新安人貢生有紫巖詩草
雨夜懷友

不斷簷前雨無聊酒自斟故人千里隔秋思一鐙深山果
經風落階蛩入夜吟天涯同獨寐淒絕此時心

王豫字立甫號孔堂長興人諸生有孔堂集

雨阻風秀軒欲訪堇浦不得卻寄

漢上憶題襟停橈欲過尋江鄉三日雨孤客一年心路暗
無來夢茶香耐苦吟思君情似水翻比在家深

梁濬字文川號秋谷介休人監生有劍虹齋集

登石佛山

偶來初地倚危樓風景蕭條望裏收
寒雁下時秋草沒晚鐘開處嶺雲稠
千章古柏依山矗一帶汾河盡日流
到此已能空色相不須更上最高頭

游綿山途中作

策蹇尋名山翹首望空翠峯巒勢嵯峨
迢迢遠難致迤邐緣溪行逼仄常恐墜
眾鳥多幽聲羣木饒古意午雞鳴荒村
遠磬聞山寺曠野景旣殊境幽人亦異
未及事登臨吾心亦已遂

張軾字未瞻甯化人貢生有漱亭詩集

黃田驛

早起黃田驛家鄉路尙遙客船穿石眼秋露溼山腰灘險
波平岸村深柳隔橋不知高閣上清管爲誰調

蔡維熊字星若號軼亭又號秋澄嘉善人貢生有軼亭
詩鈔芷江集

早發蘭溪經石塘橫宿東館

山城搗鼓絕曙光猶朦朧明河淡遙影稀星耿晨風榜人
催早發解纜何怱怱我亦披衣起爽籟生羣峯相對悄無
言冥冥羨飛鴻

清聲發鳥哢澄影散林樾煙鬟對鏡開漁艇依村歇安得
百尺竿俯釣鼇龍窟石塘石更奇森森如執笏橫絕波濤
中起伏留凹凸扼要勢益險舟行儼衝突審視仗篙師幸
勿中途蹶

沈堡字可山蕭山人諸生有漁莊詩草

詩話可山少工詩文兼長倚聲生性不羈居傍湘湖極賓客游宴之盛其舅氏高江村招之入都廣為延譽終艱一第晚歲歸卧舊廬與會騷舉不減少年也

御賜砥石硯歌贈石庭上人

道人昔歲游京邸天子召見離宮裏賦就初春瑞雪詞侍
臣奏上龍顏喜拂衣歸卧高雲中仍向空山食松餌萬乘
南巡明聖湖遂朝行在登丹屺臨軒玉音何琅琅賜來砥
石硯一方綠質無疵浮玉色翠紋結秀生瑤光我聞此石
出遼水水碧為胎金作髓溫潤無殊歛穴青堅良且邁端
溪紫只今聖主重文章珍物通靈皆異常已見馬肝貢殊
域尤多鳳唳羅巖廊皇情祇眷此硯美揆藻時時憑玉几
拜爵應封即墨侯錫名且號虛中子石公捧硯辭京師好

磨松節臨清池柰園祕笈日勤寫頌揚帝德高巍巍

秋閨怨

夜夜勞刀尺年年寄雪霜雲沈蒲類海月落鬱金堂漢將
思開國秦皇重關疆何知兒女恨掩鏡泣空房

徐維城字韓溥號雪晴嘉善人貢生有默石齋詩鈔

化成庵

放舟渺入水雲鄉曲徑通幽草木香古樹摩空凝暮靄奇
花舞景媚初陽自無囂俗來禪境應有煙霞貯客囊瓶鉢
隨緣聊可託不辭信宿此山房

峨眉庵

乍識峨眉徑小橋溪半橫捎雲干竹冷供佛一燈清菊圃
荒春草僧房起梵聲頓令心地靜我亦學無生

陳唐字希馮號雲川嘉善人有青芝山人集

城南泛舟歸西園寓

拂拂垂楊綠尙輕溶溶新漲碧初平雨從少伯祠前斷天
在真如塔外晴

初秋過問心菴訪文瀾大師

閒尋塵外侶共坐小亭幽殘暑金猶伏高風木已秋禪心
清晚磬遠意極平疇歸路斜陽盡娟娟月似鉤

秋江

岸岸蒼煙浦浦風江清雙槳擊秋空斜陽忽漏西村渡三
兩人家落葉中

沈心字房仲仁和人諸生有孤石山房集房仲詩選

詩話房仲兩世皆海甯查氏甥得初白詩法與弟椒
園並著才名椒園入史館校祕書房仲則終老不遇

嘗獲視山曹倦圃侍郎舊題遠山積雪字石高下二
峯渾樸而皴染入畫一峯頂體體若雪齋中殘書數
卷外惟此石歎曰吾性孤石亦孤
孤哉孤哉名吾山房氏吾集可乎

看山口占

江上晴光暎翠薰幾峯迴合幾峯分濛濛俄失峯無數騰
起樵夫腳底雲

方竹

一色琅玕碧森然種獨殊孤生太圭角直節本廉隅汗辱
甯難免規圓洵可吁此君君子德莫歎不觚觚

黃遇良字古青南海人諸生有雲谷集

秋日感懷

秋心如落葉無日不紛紛黃卷銷元髮青山老白雲酒逢
屠狗少歌擊唾壺勤寂歷孤亭下風煙又夕曛

魏大振字伯起平越人

過浮邱寺飯力公房

見說浮邱勝衝寒借騎過竹風喧磻戶花雨灑庭柯珊井
枯猶汲仙翁去不磨香廚叨一飯惆悵別煙蘿

和杭堇浦海幢丈室坐雨韻

曲徑通幽任意尋雨來丈室淨塵襟花憐天女續紛散句
學詩人斷續吟桑下懺除三宿戀西窗棖觸十年心飽聽
已墮聲聞果莫怪疎鐘響易沉

烏思道字王路慈谿人有游梁草

詩話舊傳王路參田端蕭河南巡撫幕司章奏疊荷
泰陵嘉許詢知其人會端蕭安摺至硃批有朕安
鄉安烏先生安否之語紹興名法家競相傳誦謂極
幕賓之榮遇鄞人董沛亦盛述之光緒間潘暉琴輯
兩浙輶軒續錄登王路詩列沛語於小傳後乃雍正
硃批論旨中並無其事惟雍正四年端蕭偶被論劾

辭連烏姓幕賓端肅覆奏云烏思道在署僅令查對
文移核算錢穀並不與聞機要殊批未置可否王路
之名達天聰殆由於此百年來鄉曲悠泛之口以譌
為真學士大夫不加考索漫登載記展轉傳播幾成
信史殊可笑也

三門砥柱歌

黃河水自天上來中流特起三門開三門崒嶽雲峯插百
尺玲瓏雪瀑堆朝擎紅日撐西走夜有靈光射星斗森森
奇鬼眼前搏隱隱晴雷耳底吼泰山巍峩未可保此石中
立無時倒根盤不避狂瀾搜枝勁偏經怒濤掃陽侯讓道
趨如梭馮夷欲撼柰力何鯨鯢斂翅藏深窟蛟龍不敢相
盪摩兩間元氣此鬱結太行潼關左右列天教巨石鎖洪
濤從容再向海門洩

